

1
E
-
U



OLIVIA

MODIGI

ISACHT

tonne noper effossum

EXTRACTATIONE

EX

EXTRACTIO

TONINUM

CLOCHE

EXTRACTIO

EXTRACTIO

EXTRACTIO

EXTRACTIO

EXTRACTIO

EXTRACTIO

EXTRACTIO

EXTRACTIO

EXTRACTIO

EXTRACTIO

EXTRACTIO

EXTRACTIO

EXTRACTIO

M12

JOANNIS OLIVÆ

R H O D I G I N I
IN MARMOR ISIACUM

Romæ nuper effossam
EXERCITATIONES,

A D
REVERENDISS. P. MAGISTRUM
F. ANTONINUM

C L O C H E
TOTIUS DOMINICANÆ FAMILIÆ
GENERALEM.



R O M Æ M. DCC. XIX.

Apud Jo: MARIAM SALVIONI Typographum VATICANUM.
In Archigymnasio SAPIENTIÆ.

SUPERIORUM FACULTATE.

JOHN J. O'NEILL

THE O'NEILL

THE O'NEILL

THE O'NEILL

THE O'NEILL

THE O'NEILL

THE O'NEILL

THE O'NEILL

THE O'NEILL

THE O'NEILL


THE O'NEILL



THE O'NEILL

THE O'NEILL

THE O'NEILL



REVERENDISSIMO PATRI MAGISTRO

F. ANTONINO
C L O C H E

Totius Dominicanæ Familiæ Generali.

JOANNES OLIVA F.



ARMOR Ifidi sacrum re-
pertum in tuo , PATER
REVERENDISSIME , & a
nobis qualicumque hac
Dissertatione in tuo pa-
riter illustratum tibi de-
dicandum jure censui-

mus , secuti leges , quibus rectissime sanc-
tum est , ut qui in loco domini thesaurus ef-
foditur , totus ille ad dominum deferatur .

Illud igitur tibi offero libens, & offero cum
 ornamentis conjunctum, quæ ex celeberrima
 Hieronymi Casanatæ Cardinalis amplif-
 simi Bibliotheca licuit mihi per otia, quibus
 fruor in domo Illustriss. ac Reverendiss. Jose-
 phi Mariæ Feroni, ornatissimi ac eruditissimi
 Præsulis, derivare. Neque ulla oboritur mi-
 hi suspicio dubitandi, quin nunc me, & ea
 quæ sunt à me profecta tenuiter excipiat be-
 nigne natura illa tua mitis cognita omnibus
 probeque perspecta. Hæc enim tuos detinet
 tam mirifice captos atque illectos, ut te cum
 in longæva ætate, tum in imperio diuturno om-
 nes saluum & incolumem semper velint: atque
 ejusmodi in aperto ac propatulo audiantur de
 te dicta laudabiliter, de illustri scilicet Do-
 minicana Familia vel minimi privati causa
 doloris mutata adhuc voluntate erga te esse,
 neminem, displicere te nemini: imo acce-
 ptissimos omnes tibi se, te omnibus proba-
 re carissimum: tamque mutuis benevolentia
 significationibus tuorum pectora obligari tuo,
 atque obstringi, ut tu, REVERENDISSIME PA-
 TER, in felicitatis eorum, Alumni vero Opti-
 mi

mi in tuæ æternitatis vota conspirent. Nec ignoro amorem Principum quoque te tibi conciliaſſe maximorum per hæc omnia ſolida ac vera permixta doctrina; cui, quamvis per ævum ingravescens juſta donare vacatione te ipſe deberes, das tamen ſedulam operam atque anxiam, inſigne omnibus documentum, ſed præſertim delicatiſſimis, corporis habitudinem ſtudiorum contentione deteri, vitæque curſum imminui poſſe credentibus, cum tu nonaginta & eo amplius natus annos in matura verſeris lectione divinatorum quam firmiſſima incolumitate. Demeruerunt certe virtutes tuæ magnæ omnes, omnes a gravitate, prudentia, ac lenitate profectæ magnum Hieronymi Caſanatæ animum, qui una cauſa tua Cœnobium Minervitanum delegit ornandum quam plurimis & iis quidem lectiſſimis voluminibus, cenſu addito, ut alii compararentur in annum: legato ære pariter, ut ſex Theologi ex variis electi nationibus Sedis Apoſtolicæ imperio addicerentur: ut implerentur etiam Theologiæ Cathedræ doctiſſimis Profeſſoribus; ex quibus omni-

bus cuiusvis legenda, audienda gratis suppetarent: atque inter ea, quæ suspicimus Romæ opera, Bibliothecam totius Europæ facile principem Itali transalpinique admireremur. Hæ profecto fuerunt præclaræ laudes, propriæ tuæ: ex quibus si fructum iucunditatis incredibilis tum primum cepisti, cum ab Eminentissimo dignitate Viro ad te sunt illæ delatæ, nunc tibi est multo uberiore lætitia exultandum, quod ingentem ædificii molem, te rem Dominicanam moderante sapienter, multis ante annis excitatam, infinitoque propemodum librorum numero hoc tempore laborantem, te item fospite, nova loci adjectione ampliata intuebimur. Atque hoc beneficium à nobis recolendum memoria temporum omnium sempiterna debemus

ALEXANDRO ALBANO CLEMENTIS XI. Fratris Filio, qui cum lectissima polleat eruditione, conquisitis undique antiquitatis Romanæ monumentis, & cum Sanctissimi Pontificis amorem in literas æmuletur, retulit publice de illis ædibus amplificandis, & retulit tam studiose, tam graviter, tamque ex veris

ris, quibus eminet etiam Jurisprudentiæ institutis, ut illi sit assensus Clementissimus Princeps, multa de te, PATER REVERENDISIME, multa de Ordine tuo, multa de Bibliothecæ munificentissimo Auctore, magna Purpuratorum Virorum adstante frequentia, honorifice pronuntiando. Voluit CLEMENS XI. quemadmodum, tot Urbis ædificia ab extremo occasu vindicata in formam prisce ævi redegit, ita hoc publicum opus in majorem longitudinem splendoremque restitutum, cum ipsa vetustate certare. Huc vero beneficium animum cum flecteret, eo opinor illum flexisse facilius, quod duo agerentur, quæ non tam aliena, aut urbis decora universæ, quam propria sua putaret unice. Agebatur ejus Bibliothecæ celebritas, quam sub gloriosissimi Pontificatus initia eductam in altum, statuit sæpius honestandam præsentia sua, & augustis auspiciis tuendam; de qua sunt ab eo tam multa decreta magnifice, ut non tam Casanatensis, quam CLEMENTINA dici posse videatur. Ille quoque agebatur, qui erupit ab ortu primo ex animo ejus erga

VIII

optima studia irrequietus ardor , relictis nobis Græcæ Latinæque facundiæ gravissimis ac doctissimis monumentis, quæ fuerunt linguis ac literis omnium celebrata . Neque enim is impetus , qui ad scientiarum bonarumque artium gloriam incitabat sua sponte currentem , postquam illum Pontificem veneramus , ex ejus pectore est solum effusus . Hic ignis etiam antequam in Cardinalium numerum cooptaretur , exarsit . Dubitabimus ? Jam tum ab illo istæ audiebantur præclarissimæ voces , si , quod ipsius doctissimo Patruo contigerat , in Vaticana Bibliotheca consenescere potuisset , adepturum se fuisse satis ad vitæ suavitatem , satisque ad immortalitatem nominis consequendam . O animi moderationem inauditam , o virtutem incredibilem , ac dignam non quæ in privato loco delitesceret , sed quæ exerta , & publice proposita omnibus proximas à Deo in terris occuparet diutissime sedes , unde Christiana Respublica , Senatus Populusque Romanus , literæ , earumque cultores fructus quam amplissimos obtinerent ! Quamquam horum præ-

præcipue amat dici Pater, & Custos : his ad se aditus patefactos jubet esse frequenter : hos in magna gloria ponit tueri patrocinio posse, atque fovere. Vidi ego, vidi, ubi ejus Archiater, tertium ab Hippocrate, & Galeno lumen Medicæ artis totius Europæ clarissimum, primusque docens cum scientiis eloquentiam conjungi posse, Joannes Maria Lancisius ad tantam Majestatem deduxit me novum hominem, nulla doctrinæ commendatione florentem, affixurum oscula pedibus; vidi, inquam, quam non sit me explicata, fronte intueri dedignatus : appellare humanissime : variis me percunctari de rebus, hortari ad studia impensius, meamque erga illa voluntatem amantissimis verbis constabilire. Sciant igitur omnes talem ac tantum esse CLEMENTEM XI. sciant Collem Quirinalem evasisse Sapientiæ Arcem, ac domicilium literatissimorum, cum ipse tamquam Dux doctissimus ac sapientissimus Battellum, Alemannum, Lancisium, Majellum, Fontaninum, Blanchinum, Luchesium, Ber-tonum quasi signo dato illuc acciverit, qui
con-

contra quodvis genus barbarorum feliciter
 pugnam capeſſant , feliciffimeque aliquando
 conficiant. Tu quoque ſcito, REVERENDISSIME
 PATER , Pontificem hoc animo præditum ma-
 gno ſcilicet , & in te tuosque propenſo , con-
 filiis tuis, quæ ad Bibliothecam Caſanatenſem
 amplificandam , ornandam, ac defendendam
 pertinebunt , nullo unquam tempore defu-
 turum . Perge quidem de Ordine tuo Reli-
 gioſiſſimo , uti facis , benemereri. Aut enim
 hac via ad famæ claritatem , quam præclare
 factis abunde es conſecutus , aut nulla alia
 præterea contendimus . Quod autem hoc
 Emporium bonarum artium jubet Pontifex
 in majorem amplitudinem excreſcere , tanti
 ejus facere immortale beneficium debes ,
 quanti illius , qui res ab exiguis initiis profe-
 ctas ad perfectum cumulatumque incremen-
 tum verenda auctoritate perducit . Hac igitur
 de cauſa illi a te non ſolum erunt gratiæ
 nunc agendæ , ſed habendæ ſemper in poſte-
 rum: habendæ etiam pro hoc effoſſo Marmo-
 re Iſidis , quod niſi de indulgentia Optimi
 Principis opus ſuſcipiendum curaffes , perpe-
 tua

tua oblivione obrutum eruditorum ordo desideravisset. Sed jam finis sit, REVERENDISSIME PATER, te a divinis studiis promisso sermone ulterius avocandi. Inspice potius, & tuum agnosce Isiacum Lapidem, & ea quæ illius explicationem circumstant. Me vero jam nunc primum tibi sistentem in fidem tuam ita recipe, ut de hac mea mediocri facultate tamquam tua de re ad voluntatem constituas. Vale Romæ Non. Aug.



INDEX CAPITUM

CAPUT I.

Scribendi occasio. Joannes Benedictus Joannellius, Thomas Maria Minorellius Casanatensis Bibliothecæ Præfetti. Quando, & quo in loco Marmor Isidis effossum. Venia petitur, si quæ ad Isidis cultum spectant, potissimum post Laurentium Pignorium, ac Gisbertum Cuperum retractantur. Isiaci Marmoris Tabula.

CAPUT II.

Isidis, atque Osiridis fabula paucis perstricta. Tempia passim his Numinibus extructa. Quo tempore sacra Isiacæ Romam immigraverint. De Fato horum sacrorum Ab. Cl. Benedictus Bacchinus citatus. Paulina in templo Isidis compressa. Supplicium a Tiberio sumptum de Sacerdotibus Isidis. Templum eversum. In pompa Isiacæ Anubis statua gestabatur. Exemplum Commodi.

CAPUT III.

Situs in quo Marmor Isidis repertum. Regio nona pulcherrimis ædificiis illustris. De Septis. V. Cl. Joannes Vignolius vera sentit de loco Se-
pro-

ptorum . Septis vicinum templum Isidis . Athanasius Kircherus notatur . Quid sentiat de Iseo, atque ejus situ . Ex duobus templis Iseo ac Serapeo unum inepte facit .

C A P U T IV.

Quid sit Marmor . An Ara votiva? Ara Apollinis, Jovis Conservatoris . An basis? Est Marmor Votivum . Isis omnia feminina Numina continet . Dii apud veteres masculo-femina . Isis atque Osiris inter Signa Panthea relati .

C A P U T V.

Queruntur causa quare hoc Marmor Isidi positum . Isis præerat navigationi . Item Dea salutis . Numina quare variis nominibus invocata .

C A P U T VI.

Conjectura de Vase unde eminet serpens in primo Marmoris latere . Isis eadem ac Ceres . Cereri serpentes tribut . De Cista . Bacchus idem atque Osiris . Καυηρόποι quid .

C A P U T VII.

Apulejus de Urnula quadam nostræ simili locutus est . Serpentes quare sacri . De Marmoris serpente . Ægyptii Thermutin præsertim colebant .

Mo-

xv

*Movere caput quid . Quare Isidi atque Osiridi
sacri serpentes .*

C A P U T VIII.

*Isidem sub Urnula nostra figura contineri . De
Diis informibus mentio .*

C A P U T IX.

*De Luna quæ in Urnula nostra . Ea est Isis . Mul-
ta de Luna ab Ægyptiis culta ; & quare . Luna
in amatoriis rebus invocata .*

C A P U T X.

*De Osiridis Capite . Ipse cum Iside bonæ valetudi-
nis Præses . Ægroti in templum Serapidis ducti .
De Ave , quæ in Marmoris fastigio spectatur .
De Accipitre atque Ansere Isidi atque Osiridi
sacris .*

C A P U T XI.

*Alterum Lapidis Isiaci latus . Anubis . De Palma
& Situla quas gerit . Tertium latus explicatur
ubi Discus , Dolabrum , & Vasculum , & Flos in eo .*

C A P U T XII.

*De Harpocrate pauca . Lotus . Arbor Persica
Isidi , & Harpocrati sacra . Clauditur Differ-
tatio .*

IM-

IMPRIMATUR,

Si videbitur Reverendissimo Patri Sacri Palatii
Apostolici Magistro .

Th. Cervinus Episc. Heracleæ Vicesger.

JOannis Olivæ Rhodigni *In Marmor Isiacum Exercitationes* Reverendissimi P. F. Gregorii Selleri Sac. Pal. Apost. Magistri jussu legi: Quo quidem in Libro nihil deprehendi, quod cum Catholica Religione ac probatis moribus omni ex parte non consentiat. Quamobrem Librum non passim obvia eruditione refertum, eleganterque conscriptum omnibus antiquitatis, & selectioris literaturæ studia merito æstimantibus omnino probatum iri, iisque perquam jucundum futurum, ideoque dignissimum, quod in lucem prodeat meo qualicumque suffragio censeo.

Romæ e Cœnobio Minervitano Non. Augusti 1719.

*Fr. Thomas Maria Minorellus Ord. Præd. Sac. Theol.
Mag. & Bibliothecarius Casanatensis.*

IMPRIMATUR.

Fr. Gregorius Selleri Sac. Palat. Apost. Magister Ordinis Prædicatorum .



IN MARMOR ISIACUM

EXERCITATIONES,

CAPUT I.

Scribendi occasio. Joannes Benedictus Joannellius, Thomas Maria Minorellius Casanatensis Bibliothecæ Præfetti. Quando, & quo in loco Marmor Isidis effossum. Venia petitur, si quæ ad Isidis cultum spectant, potissimum post Laurentium Pignorium, ac Gisbertum Cuperum retrahantur. Isiaci Marmoris Tabula.



UM sub vesperam
soleam me in Cœ-
nobium Minervi-
tanum erudiendi
animi gratia sæpe
conferre, ibique
doctissimos Casa-
natensis Biblio-
thecæ Præfectos,

Magistros scilicet Joannem Benedictum
Joannellium Venetum, ac Thomam Ma-

A

riam

riam Minorellium Patavinum convenire, mirum qua me sentiam ex illorum liberabilibus atque eruditis sermonibus voluptate perfundi. Illud enim dicam ingenue plane, quod semper per quos profecerim fateri voluerim, ex eorum me colloquiis nunquam discedere, quin instituta ad vitam recte gerendam opportuna, innumera ad mea quaecumque studia perficienda documenta, ac demum nova plurima ad rem literariam pertinentia summa cum jucunditate perdiscam. Fuerunt illa certe ejusmodi, de quibus nuper me monitum voluerunt, nimirum cum quædam ædificia prope eorum Cœnobium solo æquarentur, ut ingentia illius Bibliothecæ celeberrimæ spatia magis amplificarent, Marmor Isidi sacrum triginta ab hinc diebus effossum esse, quod singula quatuor latera elegantissime figuris distincta præferret. Ubi illud ego sum e propinquo contemplatus, dixi breviter quæ sentirem. Cum vero tum situs, unde erutum fuit, tum signa, quibus nobilitatur, antiquitati quamdam veluti lucem afferre viderentur, meam de illo sententiam ut uberiore sermone explicarem, viri me illi amicissimi perpulerunt. Cessi equidem, sed ferme in-

vi-

vitus, cum ea non me præditum erudi-
 tione animadverterem, ut in Urbe præ-
 fertim hominibus literatissimis copiosa ac
 florenti, qui tribus ab hinc mensibus huc
 advenerim, illam viderer aliis importu-
 ne venditare. Præterea quibus de rebus
 acturus essem, iisdem volumina exubera-
 re cum intelligerem, verebar ne darem
 sermonem illis, qui cum sint fastidii hoc
 in genere delicatissimi, nisi novis cogni-
 tionibus, atque eis subtili discussis exa-
 mine non delectantur. Verum illi, quæ
 sunt in me egregia voluntate, hilari juf-
 serunt esse animo atque præsentī, quo-
 niam id notissimum est, similibus studiis
 homines deditos vestigia sequi debere,
 a veteribus impressa semper: non licere
 in hac ratione quæ aliarum cultoribus ar-
 tium, quibus, ut rudia illa sua inventa,
 diligentius expoliant, recentia permitti-
 tur aliunde ornamenta quæritare: nobis
 autem antiquitatem recolentibus immo-
 tam oculorum aciem in exempla inten-
 dendam esse præterita, vetera cum vete-
 ribus comparando. Addebant insuper
 & in argumento inesse novitatem, cum
 Marmor nunc primum repertum sit, atque
 unum, quod certe non tam est in hoc stu-
 dii genere commune, tot signa contineat.

Mensa
Isiaca .
De Harpo-
cr.

Hortabantur demum me ad opus, ne cum suavissime Romæ conquiescerem, libris omni ex parte suppeditantibus, loco ac tempore per summam imprudentiam abuterer. Eò igitur cum me conclusum viddissem, ut non esset integrum id oneris sine eorum castigatione detrectare, parendum amicorum voluntati decrevi, & quo suscepti ratio negotii verteret, recte ne an secus, qualicunque hac lucubratione tentandum. Qua quidem in re peto veniam a doctissimis viris, quibus est hodie Roma frequens, si post tot scriptores, ac potissimum post Laurentium Pignorium, ac Gisbertum Cuperum de cæremoniis Isiacis est a me differendum. Quam profecto impetraturum me non diffido, si attendent, quæ de his sacris sunt sparsim ab auctoribus disputata, ea conjunxisse me, atque in Lapidis nostri explicationem non tenui labore congestisse. Cum enim hæc exararem, illud unice mecum agitabam animo, quod Cicero secum, cum ad Tullium fratrem de Consulatus petitione scripsit, nimirum *non ut aliquid ex iis novi adjicerem, sed ut ea, quæ in re dispersa atque infinita viderentur esse, ratione & distributione sub uno aspectu ponerentur*. Sed quoniam quæ
in

EXERCITATIONES CAP. I. 5

in Marmore sunt efficta, ea ad Isidis cultum spectant universa, juvat, ut iis, qui sunt mediocriter in ejusmodi studiis versati, consulamus, paucissima quædam ab illis, qui ejus fabulosam Historiam scripserunt, decerpta breviter perstringere. Nam ut quod Pignorius eadem quondam
Mensa
Isiac. init.
super re pronunciavit, in usum meum convertam; *Odi si quis alius nimias illas, & a proposito plerumque alienas hujusmodi rerum interpretationes, quas in confirmationem Platonici Præceptoris dogmatum parum memores invenerunt: satiusque duxi ignorantiam fateri, quam erudito lectori fastidio esse.* At ne diutius ab instituto aberremus, Isidem propius adeamus, cujus in Saxo quid contineatur, verbis quam paucissimis accipe.

Primum latus, quod præfert verba SIDI SACR, hoc est ISIDI SACRUM Urnula distinguitur, cujus in media parte Luna, & Spicæ intra Lunam inspiciuntur, & ex Urnulæ operculo serpens in orbes bellissime eductus; atque in summo spatium sinistrorsum caput Osiridis, & Avis Vasculum admodum exiguum aspiciens. Anubim latus alterum exhibet canino capite talaribus ad pedes adhibitis, qui Palmam, ac Situlam læva manu gerit.

6 IN MARMOR ISIACUM

Tertium ponit ob oculos Discum, Dolarum, & Guttum, seu aliquod Vas, cujus in sacrificiis esset usus; & superius orbes quosdam, qui Lunæ instar circumducuntur. Vides postremo Harpocratem, digitis ori magna cum venustate admotis; lævo brachio cornucopiam sustinente, in qua Persicæ Arboris folium apparet. Hactenus Marmor verbis descripsi. Illud vero re ipsa in Tabula intueri.



Palmi Romani



³MARMOR ISIACUM

ROMAE EFFOSSUM IN FUNDAMENTIS BIBLIOTHECAE CASANATENSIS ANNO MDCCXIX

Back of
Foldout
Not Imaged

CAPUT II.

*Isidis, atque Osiridis fabula paucis perstri-
cta. Tempia passim his Numinibus ex-
tructa. Quo tempore sacra Isaca Romam
immigraverint. De Fato horum sacrorum.
Ab. Cl. Benedictus Bacchinus citatus.
Paulina in templo Isidis compressa. Suppli-
cium a Tiberio sumptum de Sacerdotibus
Isidis. Templum eversum. In pompa Isi-
ca Anubis statua gestabatur. Exemplum
Commodi.*

Plutar-
chus de
Isid. &
Osir.

JAm illud satis constat Isidem atque Osi-
ridem apud Ægyptios fuisse in summo
religionis loco Numina collocata. Illam
vaccæ figura, hunc bovis cultum. Ex
Rhea genitos vel in alvo matris conclu-
sos miscuisse corpora. Ab Osiride Ægy-
ptios ex agresti feraque vita ad humani-
tatem mansuetudinemque traductos. Eos
invenisse fruges, dedisse leges, Deorum-
que cultum primos instituisse. Ipsum po-
stea cuncta percurrisse terrarum, eadem-
que in universos homines beneficia con-
tulisse carminibus musicaque pellectos.
Eundem illum ac Liberum patrem credi-
tum: eandem illam ac Cererem: totque
in humanum genus præclare factis infi-

gnes divinos honores meruisse. A Typhone occisum, quæsitum ab Ifide prope Syenem laceratum fuisse repertum. Humandum in Insula Abato curavisse Ifidem, atque eò nisi Sacerdotes, & illos quidem mitratos accedere noluisse. Ægyptiis quadam die in conspectum bovem dedisse se, quem putantes Osiridem Dei loco sunt venerati. Illum Apim nominavisse, quod ita eorum lingua bos appellaretur. Apim postea Serapidem nuncupatum, qui responsa longe alia ratione ac cetera oracula fertur sciscitantibus edidisse. Si oblatum manu pabulum arripuisset, portendisse secunda consulentibus, adversa vero omnia si repudiaffet, ut Germanico Cæsari evenisse comperitum est, qui pabulo ab Api rejecto paulo post occubuit. Hinc opinor præterire neminem, quam credita sint hæc Numina de humano genere bene merita, & quot honestata nominibus, quoties contingeret, ut pro sua quisque egestate seu frugum, seu commodæ valetudinis, seu quorumvis aliorum precibus, ac votis invocaret. Verum impediore pudore quodam, quo minus plus æquo in labores tum veterum, tum recentiorum manus injiciam, quippe cui veniat in mentem, me
Ro-

Romæ scribere , in urbe videlicet perspicacissima quanti quisque æstimari debeat, quantique illa, quæ in lucem emittuntur. Itaque parce alienis esse adjumentis utendum existimo , parumque in fabulosa hac Historia immorandum , cum jam Isidis atque Osiridis gestis ac sacris volumina ferme omnia redundant . Præterquamquod cum Marmoris nostri figuras explicabimus , ad firmanda quæ a nobis pro virili conjiciuntur, quædam inde alia tamquam in auxilium oportebit arcessere .

Tot igitur tantisque hæc Numina in homines clara meritis adeo terras sua veneratione impleverunt , ut Diodoro Siculo teste , eorum causa plurima fuerint templa plurimis in locis extructa . De Ægypto prima hujus superstitionis sede nihil dicam , cum hac de re verba fecerint ante me multi : nihil dicam de aliis regionibus , ne videar nimis diu à suscepto negotio aberrare , dum etiam intra modum de tempore quo id sacrorum genus Romam immigraverit , video mihi esse disputandum .

Quo primum tempore hæc cæremoniæ Romanorum animos occupaverint , nihil videtur certi a nobis posse constitui. Non prius multi illas existimant obtinuisse

Ro-

Biblioth.
lib. I.

Romæ quam esset Ægyptus debellata. Sunt qui velint hanc religionem post L. Calpurnii Pisonis, & M. Gabinii Consulatum, hoc est post annum V.C. DCXCVI. si Varronianam sequimur numerandi rationem, ibi tantum vigere incœpisse. Atque hæc qui defendunt, Arnobii verbis defendunt. Ille enim ait: *vos Ægyptiaca Numina, quibus Serapis atque Isis est nomen non post Pisonem, & Gabinium Consulatum in numerum vestrorum retulistis Deorum?* Si Arnobius tantummodo post horum Consulatum cultos Romæ primum Isidem atque Osiridem sentit, a veritate deflectit, dum jam inde a L. Æmilii Pauli consulatu, ab anno scilicet, ut notat pariter Petrus Josephus Cantelius, V.C. DXXXIV. ante Christum CCXVIII. manifestum est a Romanis illis Numinibus templa fuisse excitata. Ita habet Valerius Maximus. *L. Æmilius Paullus Consul cum Senatus Isidis & Serapidis fana diruenda censuisset, eaque nemo opificum attingere auderet, posita prætexta securim arripuit, templique ejus foribus inflixit.* Animadvertite quæso quam alte Romani Populi mentibus vesana hæc insederit superstitio, cum artifices illi ab evertendis Isiacis templis religione quadam deterrentur.

Lib. 2. ad-
ver. Gen-
tes.

Comment.
in Valer.
Max. lib. 1
cap. 3.

At

EXERCITATIONES. CAP. II. II

At enim solum post Pisonem, & Gabinium Romani Isidem & Serapidem, barbara Numina, in numerum suorum Deorum adsciverunt. Verum ne hoc quidem opportune cadit, cum jam Deos istos tamquam externos, ominosos, quippe in quorum templis de impuris amoribus ageretur, toties ex urbe expulsos accepimus, fanaque eorum æquata solo, ut nisi post Tiberium non potuerint in certa quietaque sede consistere. Viderunt hunc Arnobii locum ante me omnes, qui hoc de argumento scripserunt: cur vero idem paullo attentius a me perpendi nequeat, planè non video.

Ovid.
Amor. lib.
2. eleg. 2.
& 1. de
Art. Iuv.
Sat. 6. 9.

Abbas Clarissimus Benedictus Bacchinus, amplissimi Casinensis Ordinis illustre decus, in eruditissima de Sistris dissertatione Isidis cultum tum Romæ inchoavisse putat, cum Populus Romanus Ægyptios Reges in amicitiam recipere cœpit, eo videlicet tempore quo Ptolemæus Philopator moriens filium suum, Senatus, populi que Romani tutelæ subjecit. Et sane ex his Ennii carminibus Isidis sacra Romanis vetustissima colliguntur.

Bacchin.
de Sistris

*Non habeo denique nauci Marsum Augurem,
Non Isiacos conjectores.*

Sed

12 IN MARMOR ISIACUM

De Vet. Iu-
re Pontif.
lib. 1. cap.
25.

Lib. 3. de
Nat. Deor.

In Apo-
lo-
get.

Lib. 40.

Sed si hac de re etiam Jacobum Guthe-
rium consulamus, multa jucunda scitu
suppeditabunt. Opinor igitur omnino
difficile intra certum quoddam tempus
hanc originem circumscribere, cum to-
ties sint hæc sacra ex urbe eliminata, ut
Cicero non sine iracundia fortasse pro-
nunciaverit; *Quid autem dicis? Si Dii sunt
illi quos colimus, & accipimus, cur non eo-
dem in genere Serapim Isimque numeremus?
Quod si facimus, cur barbarorum Deos re-
pudiemus?* At pergamus porro, & Isidis
ac Serapidis paullo attentius fata ani-
madvertamus.

Tertullianus iisdem Consulibus, de
quibus meminit Arnobius, hos Deos Ca-
pitolio motos affirmat. Deinde cum ir-
repissent in Urbem, & in aliquorum ani-
mos dumtaxat fuisset hujus reverentia
superstitionis injecta, traditum est a Dio-
ne, jam Isidis fana, *quæ privatim nonnul-
li extruxerant*, Senatum demoliri jussisse.
Nondum enim tum erat, ut opinor, uni-
verso ea Religio excepta consensu, dum
Senatus, qui Reipublicæ nomen sustine-
ret, eos Deos non magnopere inter Numina
numerabat. Hæc autem Cn. Domitio
Calvino, & M. Messala Consulibus, hoc
est anno ab V.C. primo & septingentesimo
gesta

EXERCITATIONES CAP. II. 13

gesta sunt. Talibus tamen cæremoniis
 Romam intrusis Q. Fusio Caleno, & P. Vatinio gerentibus Consulatum, anno videlicet septimo ac septingentesimo, propter prodigia quædam fuerunt Isiaca delubra de medio Aruspicum jussu sublata. Triumviros postea certo scimus Isidi Serapidique templa decrevisse. Neque vero in urbe locum tam cito hos ritus habuisse credas, cum Augustus sacra hæc Ægyptia intra pomœrium fieri non sit passus; quamquam fana, quæ nonnulli privatorum erexissent, reliquit intacta. Huc accedit etiam Agrippæ edictum, quo cautum est, cum sedem appeterent Isiacæ in urbe cæremoniæ, ne quis illis intra quingentos passus in suburbanis operaretur. Adeo quæ Dio, Historicus diligentissimus scripserat, cum veritate consentiunt, similem nempe cultum, ubi eum cunctis centuriis probare, atque in usum revocare cœperunt, extra pomœria Romanos collocavisse. Qua quidem in re nescio an Ægyptiorum consuetudinem sint & ipsi imitati, a quibus perpetua constitutione sancitum erat, ut nunquam Saturni templa, aut Serapis intra oppida admitterent, sed quasi pervigiles atque excubitores Deos extra pomœrium

Id. lib. 43.

Id. lib. 47.

Id. lib. 53.

Id. lib. 54.

Lib. 40.

Macrob.
 Saturn. lib.
 1. cap. 7.

rium, & in suburbiis finerent habere sedes, perinde ac illorum Numine, & favore, validis septi præsidiiis forent, proque Aris focisque, Deorum templis ac solo in quo nati essent, excubarent; illorumque ministerio & opera ab hostili incursu, & clandestinis insidiis se tutos circumspicerent. Jam vero satis tritum ac pervagatum illud reputo, quod Flavius Josephus in medium protulit de Paulina, incorruptæ pudicitie, nobilitatis matrona lectissimæ, & Saturnini viri ornatissimi uxore. Circumsessam illam precibus a Mundo quodam, ut quo penitus maceraretur, amor responderet, vi auri magna tentatam in pudicitia permanisse constanter, ac munus delatum despuisse: prius non expugnari passam non fractum largitionibus animum, quam Isidis Sacerdos pecunia oppugnatus causam prætendisset Anubis illam ad se vocantis in templum, ubi per summam fraudem atque improbitatem ea sacra polluta sunt. Actum hinc est in Sacerdotes a Tiberio severe, everso funditus templo, atque Isidis in Tyberim injecto simulacro. Sed quamvis toties fuerit a viris principibus hæc dimota loco superstitio, Romam tamen irrupit invitis, ut ita dicam, flammis

Antiquit.
Judaic. lib.
18. cap. 4.

EXERCITATIONES CAP. II. 15

mis, quibus Tito regnante una cum ædificiis aliis horum Numinum templa conflagrarunt. Liber vero postea illis est aditus patefactus, ac sine erroris imposito, certam in urbe sedem stabiliverunt. Dominabantur animis jam illa passim. Nam Commodum, ut de ceteris ante eum Imperatoribus conticescam, memoratum est, Isiaca coluisse sacra, atque Anubis statuam gessisse, qua, nescione magis impie quam fatue dicam, Sacerdotum capita graviter obtundebat. Apud Cuperum signum Ministræ Isidis Harpocratem atque Anubim in pompa gestantis possumus intueri. Caracallæ tempestate habitavit Isis magnifice, quam cæremoniis augustioribus, opulentioribusque templis constat Romanos invocavisse. Verum satis hoc de genere verborum est, præsertim cum & Pignorius, & Cuperus, & doctissimus Bacchinus his de rebus multa disputaverint. Ego ad situm, unde Marmor effossum est, sermonem traduco.

Xiphil.
Epit. Dion.
in, Tito.

Acl. Lam.
pud.

De Har-
pocrag.
165.

Spartianus

Mens. Isiac.
de Harp.
de Siltris.

CAPUT III.

Situs in quo Marmor Isidis repertum. Regio nona pulcherrimis aedificiis illustris. De Septis. V. Cl. Joannes Vignolius vera sentit de loco Septorum. Septis vicinum templum Isidis. Athanasius Kircherus notatur. Quid sentiat de Iseo, atque ejus situ. Ex duobus templis Iseo ac Serapeo unum inepte facit.

Quod attinet ad situm, ubi Marmor nostrum repertum fuit, equidem existimo aut fuisse eum, aut parum certe remotum, ubi vetere memoria Iseum conditum, quod in Campo Martio prope Septa antiqui auctores positum docuerunt. Jam opinor fugere neminem varia variis in Urbis Regionibus fuisse Isidi templa constituta. Sed de illis nulla omnino hic mentio. Quidquid dicemus in posterum, ad Iseum Regionis urbis nonæ referendum esse prænuntio. Atque hac in re tum de Septorum loco, tum maxime de Isei ambitu succurrunt mihi multæ a multis Romanæ urbis Topographis agitatæ quæstiones. Ego vero quibus ab hinc mensibus Romam venerim, quique tot tantaque vix obiter fuerim mi-

EXERCITATIONES CAP. III. 17

miracula contemplatus, quid certius ac verius Blondo, Marliano, Boissardo, Fulvio, Panvinio, Donato, Nardino, & Kirchero huc afferre possim, plane non video. Quid igitur? Quanto est iniquius & improbius injicere ungues in aliena, tanto miserius arbitror atque arrogantius his de rebus hominem me in urbe novum ac rudem pronunciare sententiam. Dicam tamen quæ sentiam, & dicam meticolose, & magna semper cum eorum qui ante me scripserunt, commendatione. In quo si nihil aliud effecero, quam opinionem illorum firmare, qui de Templo Isis propiora veritati protulerint, satis certe officio meo fecisse videbor.

Regio nona, quæ a Circo Flaminio dicitur partem nomen, quemadmodum ait Nardinus, *ampla fuit, & splendidis ædificiis illustris*. Inter alia, Villam Publicam, Septa, Iseum, Serapeum, Bellonæ templum, Minervium, Pantheum in hac Rufus ac Victor collocaverunt. Fuit ista extra Urbem Regio tota posita, & sub Capitolii radicibus, qua vergit ad Septentrionem, muro discreta. Itaque post Aurelianum, si Romæ iconographiam intuemur, Capitolium, quod ante hunc Imperatorem mœnia ferme terminaret, Campo Martio,

Rom. Vet.
lib. 6. cap.
6.

De Region.
Vrb.

ceterisque ædificiis Urbi additis, in media situm Roma relinquebatur. Ad Septa porro quod attinet, ut nihil jam de eorum officio dicamus, multi multis in locis posita tradiderunt. Nardinus Citatorio Monti vicina facit. Blondus, ac Fulvius, aliique, ubi nunc Area panditur Antonini Columna nobilitata, id spatium assignant. Marliano ultra viam Flaminiam prope fontem Trivium fuisse illa videntur. Donatus a Trivii fonte ad collem Hortulorum proferre non dubitavit. Bellorius a Platea D. Marci usque ad Antonini forum produxit. Ut vero cum veteri quoque scriptore conemur aliquid vero proximum, quid & ipse Varro censeat, audire ne pigeat. Ille igitur hæc habet: *Comitiis Ædilitiis cum sole caldo ego, & Q. Axius Senator tribulis suffragium tulissemus, & candidato cui studebamus, vellemus esse præsto, quum domum rediret, Axius mihi, dum diribentur, inquit, suffragia, vis potius Villæ publicæ utamur umbra? Eccetibi Villa publica vicina Septis Varronis Romanorum doctissimi testimonio. Villam publicam idem Varro in Campo Martio extremo collocat. Extremus iste Campus Martius non videtur ea parte dimetiendus, quæ ad*

Rom. In-
staur.

Topogra-
phæ Rom.

Rom. Vet.
lib. 1. cap.
21.

Frag. Ve-
stig. Rom.
tab. X.

Lib. 3. cap.
2. de R. R.

Hor-

EXERCITATIONES CAP. III. 19

Hortulorum collem pervenit, sed ad Capitolii radices, cum lamentationes militum Marianorum, quos Sylla in Villa publica congregatos cædi jusserat, in Æde Bellonæ exaudirentur. Ædem autem Bellonæ notum est ad Capitolii radices extitisse, nimirum juxta Monasterium, quod nunc *Speculorum turris* vocatur, adeo ut illinc non longe, post Circum nempe Flaminium, qui ad OFFICINAS quas OBSCURAS dicunt, terminabatur, Villa publica statuenda sit; inde ad dexteram ei proxima Septa, a S. Marci scilicet Area ad S. Ignatii templum usque fere producta, sint animo effingenda. Hæc est Viri eruditissimi Joannis Vignolii sententia, qui hac super re elegantissime verissimeque disseruit.

De Colum.
Anton. cap.
2.

Quod cum ita sit, quin nunc Septis vicinam Isidis Ædem animadvertamus profecto non dubito, ut merito Juvenalis & Martialis templum hoc Septis proximum appellaverint, ibique posuerint ubi Lapis repertus est, quo sane nunc de Isei situ videntur tolli posse quæstiones. Nimis evidenter apparet Iseum, Serapeum, ac Minervium Victoris testimonio fuisse vicina. Quod quidem sit apertius a Donato omnibus, ac testatius, cum Osiridis statuam, atque Ægyptiaca mul-

Sat. 6. v.
126.
Lib. 2.
Epig. 14.

Lib. 1. cap.
23.

ta alia signa, Patribus item Dominicanis ædificantibus, ibi dicat fuisse comperta.

De Obelisc. Ægypt. inter Isci rud. effoss. cap. 2.

Atque hinc evenit, ut in Athanasii Kircherii sententiam discedere nequeam, neque sanus quisquam discedat, dum multa de Isei spatio, ut sibi uni satisfaciatur, parum vera confingit. Ille igitur ubi de Marliani ac Boissardi opinione in *Via lata* Isidis templum collocantium disputavit, hæc efferre non dubitat: *Erat Iseum, seu Serapeum non ipsum Deastrorum templum, sed districtus longe lateque exporrectus circa templum, in quo & Septum, quo Apis bos ingenti superstitione colebatur; ut cetera omittam. Itaque hunc ingentem ambitum, quem Iseum vocat ille, quasi vero illud verbum Isidis templum non significet, sed Isiacum dici debeat, hunc inquam ingentem ambitum commentus templum Isidis in summam magnitudinem longitudinemque produxit, omnibus assentiens qui de Isei situ scripserunt, cum jam, ut ille jactat, tam Platea, quæ Sciarra dicitur, quam D. Marcelli Ædes, aut S. Mariæ in *Via lata* eadem in planitie collocaretur. Notum est autem omnes ferme Romæ topographos Iseum nostrum prope alterutrum templum posuisse. Atque hinc in sua Isei Iconographia*
Se-

Serapeo nullum locum reliquit, imo vero plane exclusit. Sed hoc de genere Kircherum loquentem audiamus: *Vides igitur a Platea Sciarra usque ad Ædem S. Marcelli, & ab hinc usque ad S. Mariam in Via lata, & inde ad Templum Minervæ, & hinc usque ad templum Antonini Imperatoris, cujus columnæ adhuc Seminario Romano vicinæ spectantur, & hinc usque ad derelictam plateam Sciarram reditum fieri. Atque hoc nos dicimus Serapeum, seu Iseum, districtum intra quem Isidis templum, ut distinguamus contra auctores omnes Iseum ab Isidis templo. Omnia belle, quibus tamen ipse unus plaudat. Ceteri autem auctores, contra quos sentit, hæc & ejusmodi alia ad Palæphati tribunal ableganda esse arbitrantur. Iseum enim seu Serapeum, pro spatio, quo Isidis Ædes cingeretur, ut quis vel mediocriter eruditus accipiat, nunquam certe obtinebit, cum de hac tanta planicie nondum simus a veteribus docti scriptoribus. Docti quidem contra eum sumus Iseum ac Serapeum duo fuisse templa ferme in eodem loco distincta. Victor in Regione Nona, atque illi qui sunt Victorem secuti post Iseum, Serapeum collocaverunt. Et Xiphilinus, cum*

Lib. 66.

22 IN MARMOR ISIACUM

Lamprid. sumpta recenset, *Serapidis ac Isidis fanæ* recenset. Cur non *fanum* potius si unum & idem fuisset? Præterea de Alexandro Severo scriptum est: *Isium, & Serapium decenter ornavit, additis signis & deliciis & omnibus mysticis*. Quidni igitur hic Scriptor *Isium & Serapium* conjunxerit? Videant eruditi. Ego ad Marmor explicandum accedo.

CAPUT IV.

Quid sit Marmor . An Ara votiva? Ara Apollinis, Jovis Conservatoris. An basis? Est Marmor Votivum . Isis omnia feminina Numina continet . Dii apud veteres masculo-feminae . Isis atque Osiris inter Signa Panthea relati .

Multi multa de nostro hoc Isiaci Marmore sentiunt. Sunt qui Aram Isidi sacram voti causa esse credant, dum jam, ut opinor, cum aliquo ex periculo veteres evasissent, aut cum res quam postularent, vertisset ad voluntatem, aut denique ut sibi propitios Deos redderent, illis similes Aras consecrare consueverunt. Ejusmodi fortasse censeo fuisse Aram Apollini ab Atheniensibus constitutam, cum peste laborarent: ejusmodi pariter, quam Jovi Conservatori dicavit Demosthenes, cum est ab exilio revocatus: eamque quam Jovi item Conservatori Domitianus a Vitellianorum furore servatus in periculi quod effugerat monumentum erexit in Capitolio, talem arbitror extitisse. Jam cum Aram votivam dicimus, non intelligimus Aram ad-

Bessar. in.
Apol Plat.

Tomaf. de
Donar.
cap. 3.
Plutarcha
ia Demo-
sth.

Tacit. Hi-
stor. lib. 3.
cap. 14.
Ryckius
de Capit.
cap. 36.

hibitam in usum sacrorum, sed certa quadam extructam ratione, ut tantum erga Deos pro accepto beneficio, aut evitatis infortuniis gratus Ethnicorum animus per eam memoriam ostenderetur. Jam dubitandi locus nullus relinquitur, quin in talibus Aris verba etiam imprimerentur, ut a quo positæ essent, aut Numina, quibus essent positæ, & qua de causa, omnibus posset esse perspicuum. Tacitus de Ara Domitiani hæc literis consignavit: *Potiente rerum patre, disjecto æditui contubernio, modicum sacellum Jovi Conservatori, Aramque posuit, casusque suos in Marmore expressit.* Quamquam satis patet cuique hunc morem ex illius Historici dictis non omnino comprobari, qui ait non *in Ara*, sed *in Marmore* Domitianum suos casus expressisse. Ex his potius tribus Inscriptionibus, quas refert Baudelotius manifeste percipimus, tum veteres Diis voti causa Aras erexisse, tum in illis verba insculpsisse.

De Vtil.
Peregrin.
nLaribus.

SILVANO
SANCTO SACRO
LARUM CAESARIS NOSTRI ET COLLEGI
MAGNI CN. TURPILIUS
TROPHIMUS VOTO SUSCEPTO
ARAM DE SUO
D. D.

JOVI REGI
GENIO DOMUS
ISIDORI
LARINATIS
ARAM
EX VOTO
L..... CASTOR
D. D.

I. O. M. D.
PRO SALUTE. AUGUS. N. N.
SEPTIMI SEVERI. PII.
PERTINACIS.
ET M. AURELII. ANTONINI.
PII. FELICIS. AUGUSTI. ET
JULIÆ. AUGUS. ET S. P. Q. R.
SENNIUS. AUGUS. N. N.
OPTIO. TABELLIORUM
STATIONIS MARMORUM
ARAM POSUIT.

*V. infra
pag. 109.*

An

An vero licuerit in Aris voti causa decretis hostias immolare, hoc non ita facile affirmarem; nisi forte, cum votivæ Aræ in privatarum numero collocandæ sint, in illis quoque victimæ immolarentur, ac sacrificia cruenta fierent Pontificum, Sacerdotumque permisso, ut Gutherius & Guiranus demonstrant hoc in Aris privatis fuisse usurpatum. Verum, satis de illis qui Marmor nostrum votivam Aram credunt. Qui vellet de Aris Veterum perfecte cumulateque doceri, adeat Petrum Berthaldum, qui omnia quæ in hoc genus conveniunt, diligentissime collegit.

De Iure
Pontif lib.
3. cap. 16.
De Numif.
m. Nemaufen.

Sunt qui velint Marmor nostrum Bassim fuisse, quæ Isidis simulacrum sustineret. Statuas enim cum basi positas Numinibus docent tum multa inscripta saxa, tum hoc quod refert Baudelotius in libro, de quo superius meminimus.

In Diis La-
ribus.

SIGNUM

SYLVANI ET HERCULIS
CUM BASI IMPENSA SUA
POSUIT DEDICAVITQUE
vii. K. iiii. SURA. iii. COS.

Sed si Marmor nostrum quomodo super-
ne

ne desinat, attendemus, difficiliter credo in hanc opinionem nos descensuros. Nam in superiore parte ornamenta cernuntur, quibus tum veteres, tum recentes bases carere solent, in quibus statuæ collocantur. Simulacra præterea in plano loco & undique æquabili statuuntur. Noster vero Lapis ferme in pyramidem assurgit, nec vestigium ullum aut vetustate exesi, aut deturbati illinc simulacri vel lynceis oculis intuentibus præfert, ut vera dicere videamur, si nihil in Isiacō Marmore, quod ad justum pertineat monumentum, desiderari dicamus. Quare potius in eam sententiam devenirem, ut Marmor hoc Isiacum, si ex Aris voti causa erectis excludimus, nec basim merito putemus, votivum lapidem Isidi consecratum censeamus. Quod tamen ita pronuncio, ut suam cuique conjiciendi libertatem relinquam, cum jam quæ ad Marmoris explicationem a me congeruntur, illa omnia possint omnium conjecturis opportune inservire.

Quemadmodum igitur Lapis noster, siue Ara sit, siue basis, voti causa Isidi statutus videtur, ita non sine difficultate percipiemus, qua de causa hoc Isidi monumentum devotum fuerit, cum Isidis
no-

nomine omnia feminina Numina , ut Ofiridis masculina continerentur .

Atque hic animadvertendum opinor una cum Ethnicorum superstitionis Theologia peritis nisi unum Deum , unamque Deam non fuisse , quæ variis pro varietate officiorum nominibus appellaretur . Hinc Sol , Liber , Apollo , Osiris ac Serapis vocatur : hinc Luna , Ceres , Diana , Juno , Proserpina , Isidis nomine celebrantur . Bacchinus quoque , quem iterum honoris causa nomino , hanc in sententiam videtur procedere , cum ait : *Non Isis , sed quæ per Isidem significantur , apud Ægyptios colebantur* . Isis enim , ut ab auctoribus circumfertur , in rebus universis dominabatur . In Sai Minervæ templo talis , teste Plutarcho , habebatur inscriptio . Minervam autem Isidem quoque constat fuisse creditam : *Ego sum omne quod fuit , est , & erit : meum peplum mortalis revelavit nemo* . Meus Cœlius Rhodiginus ex his verbis sensum allegoricum exprimit , quem potest diligens lector consulere . Apulejus pariter Isidem ita loquentem inducit : *En adsum tuis commota , Luci , precibus rerum natura parens , elementorum omnium domina* . Addo Macrobius : *Isis juncta religione* , cum Serapide scilicet ,

De Sift.

De Isid. &
Ofirid.

Le& . An-
tiq. lib. 5.
cap. 12.

Lib. XI.
Metam.

Lib. 1. Sat.
cap. 20.

celebratur, quæ est vel terra, vel natura rerum subjacens soli. Hinc est quod continuatis uberibus corpus Deæ omne densetur, quia vel terræ vel rerum naturæ altu nutritur universitas. Lycophronis Scholiastes de Iside ista pronunciat: *Quin & Proserpina & Isis terra appellatur, nec non Rhea & Vesta, Pandora, multisque aliis nominibus quorum inire non est numerum.* Itaque Isis *Myrionima* dicta, quia plurima nomina contineret. Apud Gruterum jam hæc legitur notissima Inscriptio. *Te. Tibi. una. quæ. es. omnia. Dea. Isis. &c.* Michael Angelus Causeus affert Dianæ signa creberrimis uberibus turgentia. Jam Diana eadem quæ Isis existimabatur. Claudius quoque Menetrejus Iſidis aut Dianæ simulacra ad institutum nostrum opportuna in medium producit. Et apud Patinum, & Vaillantium multa multis in locis Numismata occurrunt, ubi similes imagines conspiciuntur.

Apparet ergo luculenter sapientiores ex veteribus unicum esse Deum credidisse, qui variis Deorum, Dearumque nominibus appellaretur: unumque fuisse Numen, quod multis in Regionibus multis Numinum appellationibus invocaretur. Id autem factum est, aut quia Ethn-

Pagina.
LXXXII. 2

De Simu-
lac. Tab.
XI.

In Symbol.
Stat. Di-
an.

Numism.
Imp.
Numism.
Græca.

Baudelo-
tius de
Vtil. Pere-
grin. in
Larib. p.
145.

cis suorum Deorum numerus non constaret, aut quia ab illis eorum natura ac potestas ignoraretur. Id certe Sapientum plerique ab Ægyptiis perceperant, qui, ut ait Jamblicus, naturam Deorum infinitis rationibus nuncuparent. Hinc Athenagoras illos, qui sacris in Templo Ammonis operabantur, jubet dicere, nullum aliud esse nisi solum Numen, cujus sapientes cum potentiam populis indicare vellent, varias imagines commenti sunt, quæ omnes nisi solum Numen non exprimerent. Sed de causis quamobrem Numina multis item modis vocata fuerint, quædam etiam in Capite Quinto a nobis dicentur.

Neque solum unum Deum tenuerunt Antiquorum sapientissimi quidam, verum prisce omnes Deos ἀρσενος καὶ θήλειος esse, idest *masculo-feminas*, & utroque sexu præditos putaverunt. Occurrit hac super re doctissimi Episcopi Philippi a Turre testimonium, quem nimis cito defunctum fato nondum satis deflevit Urbs Rhodigina, quæ tum Sede a tanto ibi delectato viro, tum ejus jucundissimo aspectu non recreabatur modo, sed etiam magnopere honestabatur. Ille enim Tauri figura, quem in Tabulis Mithriacis observamus,

Ve-

EXERCITATIONES CAP. IV. 31

Venerem contineri declarat, quam eam-
dem ac Lunam Philocorus apud Macro-
bium testatur, utramque non feminam
tantum, sed marem quoque veteribus re-
putantibus. Quare Calvus *pollentem*
Deum Venerem dixit, & Virgilius.

Lib. 8. Sa-
turn. cap. 8

Æneid.
lib. 2.

*Descendo, ac ducente Deo flammam in-
ter & hostes*

Expeditior.

Quo in loco Venus est intelligenda, quæ
se Æneæ dederat in conspectum, utque
domum rediret, eum ipsa monuerat.
Præterea eruditos non fallit apud Cy-
prum ejus barbatum cultum fuisse simula-
crum. Huc spectat pariter imago in Sy-
ria Deæ, quam Dercetam appellarunt,
quam sic effictam accepimus, ut hominis
haberet quidem caput, pars vero reli-
qua corporis in piscem desineret.

Macro-
b. lib. 3. Sat.
cap. 8.

Diod. Si-
cul. lib. 2.

Quod ad Lunam attinet, eam Lunum, &
Marem Deum mystice dictum Spartianus
est auctor: ubi quæ a celeberrimo Salma-
sio adnotantur, consulenda sunt, & quæ
a Sponio profertur, Tabula Palmyrena.
Jam Nummus Antiochenium Luni effi-
giem apud Patinum suppeditabit, ut
omittamus ferme innumeros, qui a Vail-
lantio passim recensentur. Imo ut fabulis
inveniendis nullus unquam fuit adhibi-

In Caraca-
la.

Antiquit.
Erudit.
cap. 1.

In Antoni-
no.

Numism.
Græca.

tus

tus modus, variisque rationibus variæ gentes sunt res naturales interpretatæ, Deosque plurimis nominibus ac signis veneratæ sunt, ita sub bovis, vel tauri figura repræsentabatur Isis, quæ eadem est ac Luna, & Terra, Plutarcho, Macrobio, atque omnibus mythologis aperte testantibus. Præterea Macrobius Ægyptios addit terram bovis simulacro significasse.

Ibid.

Select. Numism. erudit. Antiqu. Sect. I. prim. Artic. V. Tab. 19.

Quod igitur cum ita sit, jure optimo Isidem atque Osiridem inter Panthea Signa a Petro Seguino, & Jacobo Sponio legimus fuisse reposita. Signa vero Panthea illa erant, quæ omnes Deos, ut Græcum etymon indicat, aut saltem plurimos referebant. Itaque ille in suis selectis Numismatis Nummum in Ægypto cūsum producit, qui anteriore parte Antonini Pii caput præfert, caput vero barbatum in posteriore pluribus Numinum ornatum insignibus, in quibus Serapidis figura præsertim apparet ex Calathos qui est capiti impositus: cornu Arietinum Jovem Ammonem designat, ac serpens ad Æsculapium pertinet: Solem seu Osiridem corona radiata significat. Quis enim ignorat Serapidem apud Ægyptios Jovem, Ditem, Solem, Æsculapium, Nilumque

Tacit. Histor. lib. 4.

EXERCITATIONES CAP. IV. 33

fuisse. Causeus quoque exhibet signum, Tab. 24. de
Simulac.
quo omnia ferme Numina continentur.
Ex capitis ornamento indicatur Isis : ex
Semicirculo Luna : ex radiis Sol : Cupido
ex pharetra : ex alis victoria, & Nemesis:
ex Cornucopia, unde Isidis , atque Osiri-
dis eminentia cernuntur capita , abun-
dantia ex benigno Solis ac Lunæ ta-
ctu profecta : serpens brachio involutus
Æsculapius & *γγία*, hoc est salus signifi-
catur . Baudelotius etiam de Pantheis si-
gnis longum sermonem instituit , & Har-
pocratem pariter inter ea collocat , ut
certe apparet ex variis symbolis , quibus
illæ imagines sunt ornatae. Ex eodem scri-
ptore observamus, hujusmodi signa non
tantum per simulacra , quibus hominis fi-
gura exhiberetur , sed etiam per serpen-
tes exprimi . Profert enim Nummum
Hadriani , in cujus postica parte Serpens
conspicitur spicis , caduceo instructus ,
ut Cererem, Æsculapium , & Mercurium
significaret . Sed vide simulacrum, quod
cum Gemma Panthea Sponius producit .

De Vtilit.
Peregrin.
Larius.

CAPUT V.

Quærentur causæ quare hoc Marmor Isidi positum . Isis præerat navigationi . Item Dea salutis . Numina quare variis nominibus invocata .

EX illis igitur quæ sunt a nobis dicta superius , quoniam tot ab Iside imagines referebantur , patet intelligendi difficultas , qua de causâ hoc illi Marmor fuerit erectum . Spicæ , quæ cernuntur Luna comprehensæ , ut in primo Saxi latere intuemur , nunquid significant votum pro segetum ubertate susceptum ? Isis enim erat eadem ac Ceres , ut postea omnibus patefaciam . Nunquid Lapidem a quodam constitutum credamus , cum Naufragii periculum vitavisset ? Fertur enim cum filium Harpocratem amisisset , atque illum quæriraret , vela navium excogitavisse . Hyginus hæc habet : *Velificia primum invenit Isis ; nam dum quærit Harpocratem filium suum , rate velificavit .* Et Cassiodorus inquit : *Hoc , velum nempe , Isis rati prima suspendit , cum per maria Harpocran filium suum audaci femina pietate perquireret .* Quid Juvenalis ? Ille cer-

Fab. ult.

Lib. 5. Variar. cap. 17.

certe satis superque id ipsum comprobat, cum magnum votorum numerum adducit, quæ Isiacis templis suspenderentur .

pars dira quidem , sed cognita multis

Et quam votiva testantur fana tabella

Plurima ; pictores quis nescit ab Iside pasci?

Ubi Camillus Sylvester Rhodiginus observat, a nautis in naufragiis fuisse Isidem invocatam , quippe quæ tamquam maritimæ artis inventrix agnosceretur . Ægyptii sane , teste Plutarcho , vehi navi Isidem fixerunt , aut ut Lunæ humidam naturam exprimerent, aut quia Luna cornuta cum sit , navim referre videtur . In Vossio hac super re suppetunt curiosis uberrima exempla . Eò igitur Lectorem mittimus .

In Not.
Ital.

De Isid. &
Osiride

De Idolol.
Lib. 2, cap.
29.

Multa igitur de causis propter quas Saxum hoc fuerit Isidi consecratum , dici possunt; at illud quavis conjectura verius existimo , si ab aliquo , qui pristinæ incolunitati sit redditus , Isidi devotum esse censebimus . Nam hac ratione cultam Isidem accepimus , & tum varia variis in urbibus , tum Romæ præsertim templa splendidissima habuisse . Diodori Siculi verba a me adducuntur . *Afferunt Ægyptii plurimi inventricem ad morbos medicamentorum , & medicinæ arti maxime con-*

Lib. 1.

tulisse, eamque immortalitate quoque potitam gaudere hominum cultu, inque eorum valetudine præcipue versari. Sic & Apulejus Isidem loquentem inducit: Jam tibi providentia mea illucescet dies salutaris. Tibullus pariter id locutus de Iside declarat.

Lib. XI.
Metam.

Lib. I. Eleg.
3.

Nunc Dea, nunc succurre mihi, nam posse mederi

Picta docet templis multa tabella tuis.

Sat. 13. v.
93.

Sunt quoque hæc carmina Juvenalis, quibus res omnino firmatur.

Decernat quodcumque volet de corpore nostro

Isis, & irato feriat mihi lumina fistro.

Propterea plurima id genus votiva marmora una cum verbis nostri Lapidis, nimirum ISIDI SACRUM apud Gruterum leguntur.

Pagina.
XLII 1.
LXXXII,

Antequam hæc typis committerem, legenda dedi V. Cl. Blasio Caryophilo, qui per illos dies fructu bonoque meorum studiorum incredibili in suam meam amicitiam recepit. Cum ille linguarum cognitionem penitiori eruditioni, gravioribusque scientiis ita adjungat, ut alterum Samuelem Bochartum optimo jure appellare possimus, docuit melius etymon, quo hæc a curando dicta videatur, dum
Ara-

EXERCITATIONES CAP. V. 37

Arabes, quorum linguæ affinis Ægyptia, *اسى*, *Afa*, curare dicunt; unde *اسى*, *afion* Medicus, *اسى*, *afuvon*, medicamentum. Sic etiam ope & auxilio linguæ Arabicæ facile vox *Χαμψαι* occurrit explicanda, quæ Ægyptii *Crocodilos* denotabant. Arabes enim *Crocodilum* *تصاح* *tampsah* appellant. Hæc meæ sententiæ mirifice conveniunt, dum Isidem valetudini præsidere demonstravi. Sed id melius infra ostendendum est.

His omnibus constitutis, placet Sæxum, & quæ illud complectitur symbola, animadvertere attente, & quanta possumus diligentia explicare. Ac primum quidem in anteriore lapidis parte tria illa signa, per quæ Dea Isis repræsentatur, observanda esse videntur, Vas scilicet, unde serpens in orbem extollitur: Luna, & Spicæ, quæ intra Lunam affabre insculptæ pulcherrime exurgunt. Cum unum, aut alterum posset esse satis ad Isidem indicandam, tria signa proferuntur.

Ut nihil veteres sine sua significatione commenti sunt, ita ne hoc quidem eos opinor temere fecisse. Tenuit enim consuetudo Romanorum, ut de Græcis conticescam, in quorum Poetis sunt hoc de genere testimonia quam plurima, Nu-

38 IN MARMOR ISIACUM

men, quod precaretur, invocandi variis nominibus, iis tamen ad ejus officia pertinentibus, quo citius ac libentius assentatione illa quasi delinitum, & captum alienis precibus indulgeret. Passim hac de ratione apud Latinos autores argumenta suppetunt. Nos autem paucis erimus omnino contenti. Virgilius itaque id per verba illa *quisquis es* aperte declarat.

sequimur te sancte Deorum

Lib. 4.
Æneid. v.
175.

*Quisquis es, imperioque tuo paremus ovan-
tes.*

Carm. Sz.
cul.

Horatius Dianam ita precatur.

*Sive tu Lucina probas vocari
seu genitalis.*

Apud Martianum Capellam Philologia Junonem sic alloquitur: *Juno pulchra, licet aliud nomen consortium tibi cœleste tribuerit, at nos a juvando Junonem, sicut & Jovem dicimus, nominamus, seu te Lucinam, quod lucem nascentibus tribuas, ac*

Lib. X. Me-
tam.

Lucetiam convenit nuncupari. Quid Apulejus? Dianam ita certe apprecatur. Regina Cœli, sive tu Ceres alma, seu tu cœlestis Venus, seu Phœbi soror seu, nocturnis ululatibus horrenda Proserpina, & quæ sequuntur. Adeatur Catullus, & Ovidius.

Hymn.
Dian. lib. 4
Metam.

Si igitur variis signis in Marmore Isis signi-

EXERCITATIONES CAP. V. 39

gnificatur, id factum esse adulandi causa existimo, cum fortasse crederent unum duntaxat titulum ei parum gratum even-
turum.

Aliquando etiam nullo invocato nomine sua Numina veteres Deorum, vel Dearum titulo tantummodo invocabant, cum ita illis magis placere crederent, quod absoluta hac appellatione eorum vim ac potestatem angustiis finibus non circumscriberent, sed latissime patere declararent. Id cum aliis Inscriptionibus, tum hac potissimum fieri apertum existimo.

Grut. pag.
1. num. 7.

SIVE. DEO
SIVE. DEAE
C. TER. DEXTER
EX. VOTO

CAPUT VI.

Conjecturae de Vase unde eminet serpens in primo Marmoris latere. Isis eadem ac Ceres. Cereri serpentes tributi. De Cista. Bacchus idem atque Osiris. Κερνόςου quid.

DE Vase e cujus operculo serpens in gyros educta attollitur, video plurima dici posse. Cum Plutarchus ac Diodorus non aliam Cererem ac Isidem dixerint, & Cereris sacra cum Isidis sacris conjunxerint, quia frugum inventio utriusque Deæ tribuitur, fortasse conjicere nonnulli poterunt Vas illud ad Cereris cultum pertinere. Isidem eandem esse ac Cererem a multis scriptoribus declaratur. Herodotus ait: *Isis secundum linguam Græcorum est Ceres*: & postea: *Ægyptia lingua Isis est Ceres*. Apollodorus hæc habet: *Constituit autem, Io videlicet, Statuam Cereri, quam Ægyptii Isidem vocaverunt*. Sed vide D. Augustinum, cui adjunges eruditissimum Vossium, qui multa ad nostrum institutum opportuna diligenter collegit.

De Isid. &
Osirid.
Diodor.
sic. lib. 1.

In Euterpe

Lib. 2.

De Civit.
Dei.
Lib. 8. cap.
22.
De Theol.
Gent.
Lib. 2. cap.
56.

Mirabitur hic fortasse aliquis, quod,
cum

EXERCITATIONES CAP. VI. 41

cum de Romanorum Iſiaco cultu differamus, auctoribus Græcis nostra confirmanda permittimus. Sed, quisquis est, desinet ille admiratione affici, quoniam, præterquamquod sunt omnia ad rem accommodata, percipiet hinc Isidem, Osiridem, atque Anubim in Græcia pariter cultos fuisse; quæ omnia ferme Numina, atque horum nomina ex Ægypto profecta sunt. Herodotus enim memoriæ prodidit

Lib. 2.

ἡ δὲ καὶ πάντα τὰ ἐνόματα ἧς Θεῶν ἐξ Αἰγύπτου ἐλήλυθε εἰς τὴν Ἑλλάδα omnia fere Deorum nomina ex Ægypto in Græciam migrasse. Et quidem Αἰγυπτίοις δὲ Ἀπόλλων μὲν Ὠρεός, Δημήτηρ δὲ Ἴσις, Ἀρτήμις δὲ Βέβασις:

Ægyptiis Apollo erat Horus, CERES ISIS, Diana vero Bubastis. Hinc Coptice

Plutarch. in Isid. & Oſir.

Βέβασις appellatur Diana. Minerva ab ipsis Σαῖς nominata vel Νηϊδὴ Ἀθήνη παρ' Αἰγυπτίοις.

Saturnum Ἀνέβιν dixerunt, ac Venerem nomine Ἀΐωρ designavere, ut habetur in

Etymologico magno: Τὴν Ἀφροδίτην Αἰγυπτίοι καλεῖσιν Ἀΐωρ, quæ pariter Νέφθυς nuncupata.

Priapum Palmyten Ægyptii nominarunt. Hefychius Παλμύτης Αἰγυπτίος Θεὸς Πριαπάδης; apud Plutarchum vero Παμύλιος, cujus festum pro more celebra-

bant, τὴν ἧς Παμυλίαν ἑορτὴν αὐτῷ τελεῖσθαι Φαληγορείοις. Jovem etiam colnere, qui Ἀμὲν,

vel

Ap. Plut.

vel Ἀμμων nominatus . Plutarchus ἰδίον παρ' Αἰγυπτίοις ὄνομα ἐκ Διὸς εἶναι τὸν Ἀμῶν . Quamobrem Deorum Dearumque cultus ab Ægypto in Græciam pervenit . Græci enim Cererem pro Iside, Dianam pro Bubasti, Apollinem pro Horo, Saturnum pro Anubide, Jovem pro Hammone uti Deos, Deasque venerati sunt, mutatis tantum nominibus: re ipsa tamen hisce Numinibus eadem ferme quæ Ægyptii tribuerunt . Ex quodam marmore, & ex Callimachi epigrammate constat Græcos Isidi, Osiridi, Anubidi, quæ Numina & nomina sunt Ægyptia, vota solvisse . Marmor Græcum ita se habet .

Apud Pri-
deaux pag.
287.

Ο ΙΕΡΕΥΣ ΑΡΧΙΔΑΜΟΣ
ΦΙΛΑΙΝΕΤΟΥ ΙΣΙΔΙ
ΟΣΙΡΙΔΙ ΑΝΙΟΥΒΙΔΙ
ΧΑΡΙΣΤΗΡΙΟΝ

Sacerdos Archidamus Philaneti filius Isidi, Osiridi, Anubidi donarium . Sic etiam apud Callimachum

Epigr. 61.
edit. Vltra-
ge pagina
231.

Ἰναχίης ἐς ἦσεν ἐν Ἰσίδος ἡ Θάλεω παῖς
Αἰσχυλὶς Εἰρήνης μητρὸς ὑποχρητή .

In Isidis Inachiae templo posuit Thalys filia Æschylis Irene matris promisso . Itaque cum ex Marmore Græco, & ex Callimachi epigrammate appareat tam Archidamum Philaneti filium, quam Æschylis filiam

EXERCITATIONES CAP. VI. 43

filiam Thalim nomina esse Græcanica, non immerito licet deducere a Græcis Isin, Osirin, Anubin cultos fuisse, ac votis invocatos. Atque hæc pariter Blasio Caryophilo accepta refero.

Verum ut ad Isidem, quæ Ceres est, revertamur, Gruterus hanc inscriptionem recenset.

Pagina
LXXXII.6

ISIDI
FRUCTIFERAE
POSUIT.

Id quoque Nummus ostendit, qui prope Cretam est cusus, in Insula videlicet Ægialea, ubi in postica parte Isis spicas manu tenet. Similium Numismatum magnum numerum affert Vaillantius. Philippus a Turre Tabulam Mithriacam producit, ubi in Spicas caudam Tauri desinentem intuemur. Bovis autem, seu Tauri figura. Venerem, Lunam, Terram, quæ sunt res eadem ac Isis, significari intelleximus. Spicas ad fertilitatis symbolum in nummis, aliisque monumentis vel solas, vel cornucopiis insertas passim videmus. Quibus in locis Isis certe nihil aliud quam Cererem signat. Spicæ etiam, quæ in medio vase nostri Marmoris cernuntur, causam id profecto conjiciendi præbebunt.

Numism.
Græc.
De Mith.
cap. I.

Ac-

Accedit huc etiam, quod Serpentes Cereri assignantur. Nam inquit Apulejus: *Dextra quoque sulcis insurgentium viperarum cohibita Spicis etiam Cercalibus desuper porrectis*. Ubi Julianus Floridus hæc subjicit: *Isidi, quæ & Luna est, & Proserpina & CERES, viperas circa caput addit Apulejus, sive quod sulci interdum tortuosi viperas imitentur, sive quod frenatis curruque admotis Serpentibus Ceres sulcavit Cælum*. Minucius pariter Cererem serpente cinctam tradidit. *Ceres facibus accensis, & serpente circumdata*. Ergo si signum illud Cereritribuendum esset, sibi persuadere posset fortasse aliquis, Vas nostrum ejus esse generis, quod frumento atque hordeo plenum in pompis Isidis, seu Cereris circumferretur, ut notat Natalis Comes insignis Mythologus, cum jam Ægyptii Isidi aut Cereri inter alia vitæ opportuna usum atque inventionem frugum referrent acceptam. Hinc messis tempore, oblatis spicarum primitiis juxta manipulos Isidem invocari solitam, tradidit Diodorus. Quare opinor hac de causa Modium Isidi esse assignatum, ut ex nummis percipitur: Isidemque credo Tertullianum voluisse nominare, cum in eo *Cererem Fariam* legimus.

Exi-

Lib. XI.
Metam.Not. in
Apul.

In Oæv.

In Cerere
cap. 14.

Lib. I.

In Apolog.

Existimare alii poterunt Vas nostrum appellari debere *Cistam Mysticam*, in qua sacra quædam arcana Cereris a mulieribus gestarentur, quæ propterea Meursii
Eleusinia
cap. 25. *Kισοφόροι Cistiferae* nempe sunt nuncupatae. Ab Apulejo Cista hæc dicitur *secretorum capax*, Lib. XI;
Metam. *penitus celans operta magnificæ Religionis*. Hujus enim Sacra inter abditissima reputabantur, quemadmodum a Tomasino quoque memoriæ proditum fuit. Verum si Cistæ figuram ex Nummis potissimum petimus, Vas nostrum ab hoc Cistarum genere valde differre comperiemus. Profert Seguinus nummos duos, alterum sub nomine Apii Claudii Ap. Filii Pulchricusum, alterum M. Tullio M. Filio Ciceroni tribuendum, quorum in aversa parte Cista conspicitur, extra quam Serpens exilit. Patinus pariter tum aliorum, tum præsertim Alexandri Magni Nummum producit, in quo Cista evidentissime apparet, unde Serpens eodem modo erumpit. Interdum circa Cistam duo Serpentes observantur, ut spectari in L. Veri Nummo Vaillantius docet. Interdum in Cista spicæ inerant, ut idem in Numismate Alexandri Severi animadvertit, ubi Spicas quatuor videmus in Cista. Sed ex his & ex aliis, quæ in hanc rem

Sele&. Numism. pag. 80.

Numism. Imperat.

Numism. Græca.

46 IN MARMOR ISIACUM
rem dici possint, nunquam obtinebimus,
ut Vas nostrum Cistam credere debeamus,
cum inter signum illud Isiacum, &
Cistam magnum discrimen intercedere
facile videamus.

Ut vero rursus adeamus Patini, ac
Seguini Nummos, ubi Cistæ & angues in-
de evadentes se se nobis ostendunt, at-
tendi velim tria illa numismata in postica
parte ad Bacchi cultum pertinere. Ser-
pentes enim, qui ex Cistis exiliunt, my-
steria Bacchi demonstrant, quod etiam
apparet ex coronis hederæ baccis, & fo-
liis contextis, quæ in Seguini Nummis
manifeste cernuntur. In Bacchi enim
Orgiis ejusmodi Cista ferebatur, quæ ar-
cana ipsius mysteria continebat; unde
Catullus cecinit:

De Nupt.
Pel. &
Thet. ver. 4
279.

*Pars se se tortis Serpentibus incingebant,
Pars obscura cavis celebrabant Orgia Cistis,
Orgia, quæ frustra cupiunt audire profani.*
Ex quibus etiam carminibus colligimus,
Bacchantes in Orgiis Serpentes gestavisse.
Cistis autem Orgia quoque celebra-
ta fuisse, non est quod miremur. Nam si
Isidem eandem esse ac Cererem proba-
tum est, ita Bacchum eundem atque
Osiridem, qui vir Isis, & frater, aucto-
res tradiderunt. Aufonius his verbis
nobis fidem facit,

Æpigr. 39.

Ogy-

EXERCITATIONES CAP. VI. 47

Ogygia me Bacchum vocat,

Osirin Ægyptus putat.

Lib. 3.
Lib. 1.
De Isid. &
Osirid.

Idem pluribus testantur Herodotus, Diodorus & Plutarchus, qui in sacris Bacchi & Osiridis narrant easdem cæremonias observari, utrique vitem tribui, simul & hederam, quæ lingua Ægyptia vocatur *Chenosis*, hoc est planta Osiridis, utrumque Nisæ educatum, utrique denique comites Satyros, ac Panes adjungi. Imo Serpens ipsa, cum qua Osiris in Tabula Isiaca spectatur, fuit amica Bacchi, quem semper est prosecuta, ut Seguinus erudite ostendit. Sed vide Tibullum, qui multa in hanc rem elegantissime cecinit. Huc cadit opportune Nummus a Nicæensibus Juliae Severi cusus, & quem idem producit, in cujus aversa parte Bacchus cum Iside sedet in curru.

Apud Pignor.

Ibid. p. 163

Lib. 1. Eleg. 8.

Et ut magis magisque nostra firmentur, Philippi Bonorrotæ non minus in Re Florentina quam in literaria Senatoris præstantissimi est huc adducenda sententia. Ille enim pariter Isidem atque Osiridem eosdem esse asseverat ac Cere-rem, & Bacchum, quibus festa ac sacra communia fuerunt, quæ aut a Cadmo, aut Melampo, aut Orpheo, aliqua tamen facta mutatione, in Græciam delata, cæ-

Observ. in
Numism.
Maximæ
formæ pag.
441.

cæremoniis Eleusiniis nomen dederunt. Verum quidem est, ea ad Cererem sacra pertinuisse. Nihilominus Bacchus in eorum societatem vocatus est, ut vir ille eruditissimus fuisse demonstrat.

Si minus ad hoc caput, certe ad nostrum institutum maxime pertinet Gordiani Nummus ab eodem diligentissimo auctore productus, cujus in averfa parte Diana Ephesina & Serapis in trireme cernuntur. Factum hoc esse ait ex Ægyptiorum consuetudine, qui suis Numinibus navium custodiam demandabant, tanti illas, quanti sacra quælibet æstimantes, quibus Nili aquarum causa in pompis, atque in suis solemnibus ritibus sæpissime uti consueverant. Hinc apud Pignorium duo apparent navigia, in quorum altero Apis, & in altero duobus capitibus instructus Aries spectatur. In viridi Iaspide apud Sigismundum Radium, ut idem scriptor superius laudatus observat, Navis insculpta est cum multis Ægyptiis Numinibus, ubi festum celeberrimum, *Isidis* nempe vocatum *Navigium* comprobatur. Mitto quæ refert Plutarchus, Apim videlicet bovem cum mortuus erat, navis ductum, ut sepeliretur: mitto perjuriam

Mens. Isia-

De Is. &
Oârid.

ma-

EXERCITATIONES CAP. VI. 49

magica a Porphyrio consignata literis, inter quæ se navis cursum retardaturos minabantur, & Osiridis corpus Typhoni dilaniandum tradituros: mitto denique quæ a Diodoro memoriæ sunt prodita, vêtum scilicet novum. Apim tecto Navigio Memphim, ut in templo Vulcani educaretur. Videbor profecto extra chorum parumper saltasse. Non diffiteor equidem. *Amœnitates tamen studiorum quærimus*, ajebat Plinius, *quas etiam*, ut addebat Philippus a Turre, *per occasionem in diverticulo captare licet, quemadmodum iter agentibus evenire solet, qui a via in splendoras ædes, aut pratum floribus consitum defleunt.*

Lib. 14

in Præfat.
Hist. Nat.
In Epist. ad
Lector. ad
Monum.
Ant.

Quoniam de Cista in Cereris ac Bacchi sacris meminimus, placet de Virginibus Athenis in sacris Dianæ canistra gerentibus paucissima adjungere. Athenis igitur erant Dianæ festa, quæ ΚΑΝΗΔΟΡΙΑ dicebantur. Virgines Atticæ ingenuæ, & viro maturæ prioris vitæ ac virginitatis pertæsæ cupientes exauçorari in hoc festo *canistra ex auro facta* plena earum rerum, quas acu pulchricres laborassent, ad Dianæ templum deportare, ibique sacrificare.

D con-

Ioan. Fa-
soldus de
Ecll. Græc.

consueverunt. Ita enim putabant hujus
Deæ, in cuius adhuc tutela versaban-
tur, se iram evitaturas. Hoc a Græcis
Κανηφορεῖν dicebatur, & hæ virgines *Κανη-
φόροι*, idest *canistrorum gestatrices*. Ve-
rum ad Urnulam explicandam accedo.

CAPUT VII.

Apulejus de Urnula quadam nostræ simili locutus est . Serpentes quare sacri . De Marmoris serpente . Ægyptii Thermutin præsertim colebant . Movere caput quid . Quare Isidi atque Osiridi sacri serpentes .

INter veteres auctores , qui de sacris potissimum Isiacis disseruerunt , is est profecto Apulejus , qui de illis perinde loquitur , ac si sæpissime interfuisset . Ille igitur , ubi multa ostendit , quæ ad Isidis cultum pertinerent , de Urnula quadam meminit , quæ ex hac nostra videtur parum omnino differre . Quod si discrimen aliquod apparet intercedere , quod certe exiguum est , tribuendum id omne sculptori censeo ; siquidem compertum est , hoc hominum genus simulacra atque alia signa pro libidine sæpe incidere , atque effingere , ut desint interdum multa , multa redundant . Verum Apulejum audiamus de cæremoniis loquentem , quæ in sacris Isidis celebrarentur : *Gerebat alius felici suo gremio summi Numinis venerandam effigiem , non pecoris , non avis ,*

Lib. XI.
Metam.

non fera, ac ne hominis quidem ipsius consimilem, sed solerti repertu, etiam ipsa novitate reverendam, altioris utunque, & magno silentio tegendæ religionis argumentum ineffabile, sed & ad istum plane modum fulgente auro figurata. URNULA faberrime cavata fundo quam rotundo, miris extrinsecus simulacris Ægyptiorum effigiata. Ejus orificium non altiuscule levatum, in canalem porrectum longo rivulo prominebat. Ex alia vero parte multum recedens spatiosa dilatione adhærebat ansa, quam contorto nodulo supersedebat aspis, squameæ cervicis striato tumore sublimis. In vase nostro sunt ferme omnia similia. Deest ansa, in qua contorto nodulo Aspis infideat. Sunt tamen externe Ægyptiaca expressa signa, Spicæ videlicet, ac Luna: & vas, ansæ loco, pyramidis instar non altiuscule, ut ait Apulejus, sed per quam alte levatum operculum habet, unde aspis illa bellissime extollatur. Verum de Vase postea dicemus, quam aliqua de Serpente disputaverimus.

Multis de causis veteres in Serpenti-
bus divinitatem quamdam inesse puta-
runt. Cum illi non exteriorum membro-
rum ope, ut mos est ceteris animalibus,
sed virtute intra se impetus latentis cele-
ri-

riter incedant, ac in varias se torqueant partes: cum tempore verno positis exuviis quotannis instaurentur, ac ad magnam perveniant etatem, quamdam in hominum animos sui venerationem ac cultum injecerunt. Pierius Valerianus, & doctissimus Vossius de divinis Serpentum symbolis disputarunt. Quare minime mirandum est, si Serpentes salutis, Victorix, Pacis, Abundantiæ, Felicitatis, Prudentiæ non tam imagines & figuræ, quam ipsa Numina existimarentur. Hinc comites Diis additi, & fere Dæmonum omnium credita symbola, ut refert Justinus Martyr, & testantur Mercurii, Palladis, Cereris, Æsculapii, & aliorum vetera in nummis simulacra, in quibus Mercurii caduceum Pacem, & Felicitatem: Palladis Ægis Prudentiam & Victoriam: Serpens in Cista Bacchi Vitem inventam: Cereris currus alatis serpentibus junctus frumenti semina copiose terris inspersa: anguis Æsculapii baculo involutus salutiferum gramen significant. Serpentes quoque certissimos viæ duces habitos, ac præsertim juvandis regibus missos crediderunt, ut de Alexandro Magno scriptum est, cui ad Hammonis oraculum per arenosas Libyæ solitudines proficiscenti,

Hieroglyph. lib. 1.
Physiol.
Christ. lib.
9. cap. 14.

Apolog. 2.

Arian. lib.
3.

Agathodæ-
mon.

ejusque exercitui per incerta locorum aberranti, prodierunt repente obviam, duo angues, qui viam omnibus indicarent. Verum supervacaneum est, quæ de Serpentibus ab antiquis tum Poetis, atque Historicis, tum a nostris sunt tradita, repetere, atque hunc in locum congerere. Itaque consistam in Chiorum nummo, quem ait Seguinus in Thesauro Regio inveniri, in quo Serpens ingentibus spiris orbem terrarum amplectitur, & fovet, hac adhibita epigraphe: ΑΣΚΛΗΠΙΟΥ ΣΩΤΗΡΟΣ: *Æsculapii Servatoris*: Hic est ille anguis, quem Epidaurii raro quidem, sed nunquam sine maximo bono visum eodem quo Æsculapium cultu sunt venerati, quem lue pestifera grassante, quasi unicum suæ remedium calamitatis amplissima ab Epidauriis impetratum legatione in Insula Tiberina Romani collocaverunt.

Hist. Anim.
lib. 8. cap.
12.

¶ Pausan.
Corinth. 2.

Tradit Ælianus serpentem Æsculapio dicatum, quamvis igneo colore præditum, acerrimo oculorum sensu, ore lato nihil tamen, cum miti esset natura, mordendo nocuisse. Nec illi noxii, qui in Epidaurii agro nascuntur. Cujusmodi etiam erat ille, qui a Tristano exhibetur in Nummo Juliae Sabinæ illi adblandiens,
& ita

EXERCITATIONES CAP. VII. 55

& ita mansuefactus, ut ex ore illius caperet cibum. Et Tiberio Imperatori erat Sueti. cap. 72. in oblectamentis *Serpens*, quem manu sua alebat. Similiter auctor est Philostratus Junior, Ajaci Locrensi fuisse Draconem mansuetum pedum quindecim, quo ille convictore, atque instar canis utebatur. Igitur non est quod miremur ea, quæ de Lanuvinis Virginibus fingunt Poetæ, quæ quotannis in sacro Luco cibum ingenti Draconi præbebant, & eo modo, si eum attingeret, suam virginitatem probabant. Hac super re sunt hæc Propertii cultissima carmina, quæ non me piget describere.

Eleg. 8.
lib. 4. de
Cynth. &
Drac.

*Lanuvium annosi vetus est tutela Draconis,
Hic ubi Tærtareæ non perit hora mora. U pag. 109
Qua sacer abripitur cæco descensus hiatus,
Qua penetrat [Virgo tale iter omne cave]
Jejuni serpentis honos, cum pabula poscit
Annua, & ex ima sibila torquet humo,
Talia demissa pallent ad sacra puella,
Cum tenera anguineo creditur ore manus.
Ille sibi admotas a Virgine corripit escas,
Virginis in palmis ipsa canistra tremunt.
Si fuerint castæ, redeunt in colla parentum;
Clamantque Agricola, fertilis annus erit.
Ursinus in tabulis gentis Mettæ, & Pappiæ duos denarios exhibet, ex quibus*

De fam.
Roin.

Tom. 1. 2.
3.

In 2. Numism. Ne-
mausensi.

Tom. 1.
pag. 1040.

Antiquit.
Neomag.
P. 434.

hæc facile colliguntur. Illi enim in aver-
fis partibus Virginem Lanvinum an-
guem pascentem ostendunt. Tristanus in
Nummis M. Aurelii, & Faustinae Minoris,
Getæ, Elagabali, Gallieni multos num-
mos describit, in quibus Dea Salus,
aut Imperatores, vel Augustæ Draco-
nibus mansuetis vel suapte natura, aut
arte, ac industria hominum, cibum por-
rigunt e disco. Vide Guiranum in
Novo Thesauro Antiquitatum Romana-
rum, quem V. Cl. Albertus Henricus de
Sallengre maxima eruditione ac gravita-
te præditus bono literarum incredibili in
lucem edere aggressus est. Sed utcum-
que de serpentibus perinde ac in ipsis
certa quædam divinitas inesset, a variis
gentibus statutum sit, non ulterius im-
morabimur, cum intra Ægyptii supersti-
tiosos omnium maxime ritus oratio con-
cludenda videatur.

In Ægyptiorum cæremoniis igitur
fuit Serpentibus res nulla frequentior.
Hi enim per illos Isidem atque Osiridem
repræsentare solebant. Vide Joannem
Smetium, qui hoc de genere multa
disputat. Inter Serpentes, quos cole-
bant Ægyptii, aut, ut verius dicam,
inter sexdecim Aspidum genera, Ther-
mu-

EXERCITATIONES CAP. VII. 57

mutin veneratione prosequerantur. Hæc enim sola immortalis credita est Aspis: quapropter in sacris ædibus cellulas illos dicunt habuisse, ubi hujusmodi angues alerentur. Atque ideo Ælianus narrat, Aspides Ægyptios Reges in diademate pictas gessisse, ut ita firmitatem imperii ac potentiam significarent. Illis igitur etiam Isidis coronata simulacra. Valerius Flaccus hæc canit.

lib. 6. cap. 38.

Lib. 4 Argonaut.

Et procul Io

*Speculat ab Arce Poli jam Divis addita,
jamque*

*Aspide cincta comas, & ovanti persona
sistro.*

Pignor. p. 26.

In Tabula Bembiana Serpente Isidis caput ornatur: & nummus apud Oiselum duas Isides alas aspidem in capite cum cauda sinuosa tergum versus habentes repræsentat. Imo in Isiaca pompa una cum Api Serpens circumferebatur. Ovidius:

Tab. 47. num. 6.

Lib. 2. Amor.

*Pigraque labatur circum donaria Serpens,
Et comes in pompa corniger Apis eat.*

Et prope Isidis simulacrum serpentem argenteam statui consuevisse docet Juvenalis.

Et movisse caput visa est argentia Serpens.
Movere caput, hoc in loco significat, Isidem

Sat. 6.

Nleg. 2. lib.
2.

dem se propitiam illi ostendisse, qui eam votis ac precibus invocavisset. Credebant enim veteres motu capitis Numina fausta omnia ac secunda portendisse. Tibullus hoc aperte indicat, cum die Cerinthis natalitio hujus Genio fingit se sacra facere.

*Annuat, & Cerinthe, tibi quodcumque
rogabis:*

En age quid cessas? annuit ille, roga.

Ita quoque Ovidius.

Fast. tib. 4.

Mota Dea est, operique favet.

Fortasse serpens noster motu quodam cum extolli in gyros videatur, bonum illi omen portendit, qui impetrandæ ab Isidis valetudinis causa hoc Saxum constituit.

Lib. 1. cap.
20.

Quare autem Isidi, quæ jam Luna est, ut ostendam, atque Osiridi qui Sol, Serpentes tribuantur, Macrobius aperte declarat cum inquit: *Simulacris Æsculapii & Salutis Draco subjungitur, quod hi ad Solis naturam, & Luna referuntur. Et est Æsculapius vis salubris de substantia solis subveniens animis, corporibusque mortalium.* Neque ulli negotium faceffat, quod Macrobius Draconem, non Serpentem illis Numinibus assignet. Nam Serpentes, Angues, & Dracones quamvis proprie
sum-

sumpti inter se differant, apud auctores
tamen præclarissimos confunduntur, ut
synonyma videantur.

Ceterum nil frequentius in Nummis
ac ceteris monumentis observamus,
quam Serpentem Apollinem, qui Sol est,
& Isidem, quæ Luna est, comitari. Lege
Philippum a Turre. Gruterum, dunta-
xat hic addam, de Ara quadam memi-
nisse Isidi devota, quam *in Sancta Ma-*
ria trans-Tiberim nos ait posse intueri.
Ibi cernitur Orbis, cui serpens se se eri-
git circumductus, quo symbolo volunt
Genium terræ universæ significari. De
Serpentibus, & iis quidem ab Ægyptiis
coronatis, consule Ezechielem Spanhe-
mium transalpinarum regionum decus
nunquam interituum.

De Mithra
cap. 4.

Pagina
LXXXII. 4

De Præst.
Numism.
Dissert. 4.
Tom. I.

CAPUT VIII.

*Isidem sub Urnula nostræ figura contineri .
De Diis informibus mentio .*

R Estat ut nostram de Vase illo sententiam aperiamus . Equidem nec Citam crederem , nec Vas hordeo frumentoque plenum , quod in Cereris seu Isidis cæremoniis circumferebatur : sed illam opinor figuram ipsam Isidem significare . Verba Apuleji repeto : *Gerebat alius felici suo gremio summi Numinis venerandam effigiem , non pecoris , non avis , non feræ , ac ne hominis quidem ipsius consimilem* . Ex his profecto simulacrum quoddam Isidis indicatur , non vero Osiridis , cum hujus caput in Marmoris nostri vertice evidentissime dignoscatur . Jam ex ejusdem Scriptoris verbis Urnulam nostræ fere similem vidimus fuisse descriptam . Quare autem veteres Isidem sub hac figura efformare voluerint , conjicere quidem multa possumus , vera autem pronunciare non possumus . Mystice certe dicendum , ab antiquis facta esse omnia : mystice quoque hanc figuram inductam , quod per hanc Urnam fortasse Nili exundationem,

EXERCITATIONES CAP. VIII. 61

nem, atque omnium lacunarum affluentiam significarent, cum jam inde summa rerum ubertas in Ægyptum omnem corriparetur. Bona vero omnia Isidi atque Osiridi accepta illos retulisse compertum est.

Atque ego cum Isidem illa specie significari dixerim, nolim hinc dubitandi causam aliquis arripiat, quin per hæc curiosa symbola, quæ humani nihil haberent, Deos suos Ethnici declaraverint. Ægyptii cum Osirim, quem Solem, & maximum Numinum appellant, effingere contendunt, sceptrum, in quo oculus insculptus inerat, effinxerunt. Sed iidem Ægyptii Canopi simulacrum formabant pedibus exiguis, contracto collo, ventre tumido in modum hydriæ, dorso æqualiter tereti, ut nulla hominis imago appareret. Phœnicibus Solis simulacrum Lapis est niger, qui ima in parte rotundus in cuneum tenuatur. Apud Pæones brevis Discus longo ligno oppositus pro Sole colebatur. Apud Arabes Lapis tetragonus pro Deo sumptus. Sed & Idæa Mater Pessinuntia sacer Lapis erat, quem Romani deducendum curarunt. Passim enim tum ab Ægyptiis, tum a Græcis Lapides pro Numinibus culti leguntur.

Pau-

Macrobi.
Saturn. lib.
1. cap. 21.

Ruffin. Hist. Eccles.
lib. 2. cap.
26.

Girald. de
Diis Gent.
Syntago 1.

Maxim.
Tyrius
serm. 38.

Arnobius
lib. 5.

Liv. Decad. 3. lib.
8.

In Achai-
cis cap. 22.

In Bæoti-
cis cap. 24.

Ibid. cap.
38.

Genes. ca-
pit. 28. v.
18.

Id. in Ar-
cad. cap. 42

Pausaniæ id verbis confirmo, qui scribit:
*Prope ipsum Dei signum, Serapidis aut
Mercurii, Lapides fere triginta erecti sunt
quadrangula forma: singulos certis Deorum
nominibus appellantes venerantur. Idem
ait in Hyetti Herculis delubro signum esse
non arte elaboratum, sed rudem prisco mo-
re Lapidem. Denique, ut ille refert,
apud Orchomenios Liberi Patris templum
extat, & quod maxime priscum est, Gra-
tiarum: Saxa vero quadam præcipua co-
lunt veneratione, quæ excepisse Eteoclem e
Cælo delapsa ferunt. Atque hic, qui le-
gis, fata Lapidum quæso animadverte.
Jacobum prius accepimus Lapidem,
quem capiti suo dormiturus suppo-
suerat, oleo insperso desuper, in ti-
tulum Domino vero erexisse: tum Lapi-
dem rudem nullo ornamento distinctum a
Gentibus pro Numine sumptum: deinde
in Deorum simulacra migrasse, atque in
ea monumenta, quibus hominum memo-
ria immortalitate donatur. Nunc ad
Deos nostros informes redeamus. In
Elajo monte Cereris Nigræ simulacrum
celebratur, quod ita Phigalenses fabrica-
verunt, ut saxo insideret muliebri figura,
præter caput, quod equinum, atque adeo
cum juba esset, Draconibus & aliis feris ad*

caput alludentibus, reliquo corpore ad imos pedes tunica velato: altera manu delphinem, columbam altera praeferente. De

oraculo Jovis Hammonis traditum est illum fuisse umbilico simillimum. Tellerius vero in suis ad Curtium notis loco

Umbilici, Umbriculum reponit, quod Umber spurium quoddam genus sit ex ove

& musmone genitum, caprino villo, cornibus in anticam partem flexis ut plurimum geminis, nonnunquam quaternis,

imo & senis instructum. Hac equidem super re nihil addam, an Tellerius recte

sentiatur. Dicam solum in Gallieni Imperatoris Nummo Arietem cerni, hac ad-

hibita epigraphe: JOVI CONSERVATORI. In alio pariter Saloninae extat

Aries his verbis: AMMONI CONSERVATORI. Jam vero de Paphiae Veneris simulacro & Tacitum audiamus:

Simulacrum Deae non effigie humana, continuus orbis latiore initio tenuem in ambitum meta modo exurgens. Et ut ad Isidem

atque Osiridem revertamur, Patinus inter alia Faustinae Numisma in Aegypto

cusum vulgavit, quod in postica parte *Serpentem* ostendit capite flore decorato;

de quo idem vir eruditissimus ita loquitur: *Serpens florem Isidis capite gestans*

Deam

Curt. lib. 4
cap. 34.

Hist. lib. 2.

Numism.
Imperat.

Mens. Ifi-
ac.

Deam refert. Pignori^{us} tandem, quod certe sine risu legi non potest, Gemmam *Molochiten* vocatam profert, ubi, commento sane perquam turpi, *Testes Oculati* cernuntur, qui pro Osiride colerentur.

Ex his igitur percipere quemque credo, quæ de Vase nostro coniecimus, ea proxime accedere ad veritatem. Si enim, ut vidimus, tum rudia Saxa, tum alia ridicula sunt veteres Deorum nomine venerati, Urnulam hanc nostram Serpente atque illis symbolis instructam loco Isidis citra ignominiam ac religionem habere potuerunt. *Adde ea pag. 110.*

Eod. lib.
pag. 233.

Deipnosoph.
lib. XI.
pag. 473.
edit. Lugd.
1612.

Animadv.
in lib. XI.
cap. 6.

Sed dum super vas nostrum Serpentem illum positum tamquam Isidem contempler, imperare mihi non possum, quin quædam pauca in Baudelotio animadvertam. Probat ille ex Vallesii auctoritate antiquorum consuetudinem Deos Penates super vasa collocandi, atque id Athenæi sententia confirmat, qui de Cadisco, in quo velut in vase, ut ait Anticlidēs, Græci custodiebant Jovem Ctesium, recordatur. Dabo Athenæi verba, prout a Casaubono emendantur. *Jovis Ctesii signa ita statuenda: Cadiscum novum utrinque ansatum operculo tegendum*

EXERCITATIONES CAP. VIII. 65
*dum : simulacri auribus coronam e lana al-
ba imposito : ex humero ejus dextro lanam
suspendito coloris crocei : amicitio etiam , ut
erit tibi commodum : deinde ambrosiam illi
effundito . Est autem ambrosia aqua pura ,
oleum , & fructuum omnium genus . Ca-
saubonus scribit Cadiscum non esse Jo-
vis Ctesii signum , sed ipsius signi recepta-
culum , intra quod Deus ille asservare-
tur , quemadmodum Lares omnes in ar-
mariis collocari solebant ; ex quo patet
nihil in hoc Athenæi loco esse , unde a
Baudelotio sua opinio fulciatur ,*

CAPUT IX.

*De Luna quæ in Urnula nostra. Ea est Isis.
Multa de Luna ab Ægyptiis culta; &
quare. Luna in amatoriis rebus invo-
cata.*

Diod. lib. 1
Plutarch.
Macrob.
ibidem.

A Turre
ibid. Voss.
Idol. Gent.
lib. 2. cap.
24.

Ibid,

DE Luna, quæ in media Urnula cer-
nitur insculpta, nunc mihi est dis-
putandum; quamquam nonnulla de ea-
dem sum visus superius attingere. Jam
eam eandem esse ac Isidem diximus, &
sub Lunæ figura Isidem Ægyptios co-
luisse. Deam hanc quoque, intellectum,
multis nominibus esse præditam, atque
ita non pro Luna tantum, sed pro aere
ac terra sumi, & vero pro natura univer-
sa. Propterea Diodorus suspicatur Isin
antiquam fuisse Reginam, quæ in Ægy-
pto regnavit; unde Isin *παλαιάν* interpre-
tatur, forsitan ab *ישׁישׁ*, quæ vox He-
braice *antiquam* denotat. Alii vero ad
aliam vocem animum intendentes Isin ab
עיס derivant, scilicet *a terræ succo*,
fratri testimonio Plutarchi, qui Isin natu-
ræ matrem, ac nutricem facit: vel a voce
Samaritana *נסן*, quæ *nutrire, alere* so-
nat.

EXERCITATIONES CAP. IX. 67

nat. Hinc tum Isidis tum Osiridis naturam creditum est ad omnium generationem plurimum conferre, quorum alter ignis ac spiritus, humor altera ac siccitas sit, uterque vero polleat potestate, per quam gignantur omnia, & alantur. Omnino si Ægyptiorum physicum sensum attendimus, Isis atque Osiris nihil aliud quam Sol, & Luna: atque hac de causa horum templa fere semper fuisse conjuncta docemur, quamvis etiam constet hæc duo Numina in eodem templo sæpe habitasse. Quod quidem liquet ex templo, cujus pars adhuc extat in hortis Cœnobii Olivetanorum Romæ: quod templum Isidi & Osiridi sacrum, seu Lunæ, & Soli eruditi consentiunt. Luna insuper ab Ægyptiis bifaria ratione considerabatur: primum uti lumen a Sole mutuatur, & tum feminea est instructa virtute, Isisque appellatur: deinde ut lumen per aerem in terras, & aquas diffundit, unde arborum, atque animantium ceterorum facilius generatio proficiscatur: & hoc pacto jam illa viri partes obit, & Osiridis nomine nuncupatur.

Visor &
Rufus.

Veteres quoque opinor sub Sistri figura, cujus superior pars in circulum desinit, Isidem seu Lunam voluisse de-

De Sift.

clarare. Qamquam Benedictus Bacchinnus alium ex Plutarcho sensum videtur eruere, meam tamen sententiam quodammodo firmat. Ille igitur ait : *Superiore ex Sistri parte LUNÆ circulum seu globum significari, sub quo omnia ob generationem atque interitum concutiantur, quod ea ad imaginem Cæli rotunda sit, seu circuli Lunaris portionem imitetur.* Sed etiam proferatur Plutarchi de Sistro sententia, ubi etiam redditur ratio, quamobrem illud instrumentum quatuor virgulas, seu chordas plerumque contineat : *Et sistri, inquit, superiore parte rotundi conspectus admonet de quatuor corporibus, quæ concutiuntur. Nam quæ pars mundi ortui & obitui est obnoxia, ea continetur globo Lunæ : inque ea omnia moventur ac mutantur ratione quatuor elementorum, ignis puta, terræ, aquæ, & aeris.* Verum Isidis nomine, cum pro Luna intelligitur, video posse conjici multa, atque explicari. Ad Pierium Valerianum. Unum hoc addam, taurina cornua eam apud Ægyptios fingi gestantem, perinde ac Lunæ novæ speciem exhibeat : nigra amictam palla, per latebras atque obscura loca appetentem Solem, quem unum impense concupiscit. Unde factum est, ait Plutarchus, ut in-

ama-

De Isid. &
Olinde.Lib. 39. in
Iside.

EXERCITATIONES CAP. IX. 69

amatoriis Luna invocaretur. Consulatur
 Causeus, apud quem simulacrum specta- Deor. si-
 mula, Tab.
 XIII.
 tur, ubi Isis, quæ jam est Diana, Cybe-
 le, Libera, Ceres, Proserpina, & quid-
 quid velis, Luna vero potissimum, prima
 crescente Luna veluti diademate corona-
 tur. Guiranus affert Inscriptionem, in Numism.
 Nemauf.
 Antiq Ne-
 mausen.)
 qua Luna & Isis legitur. Eamdem Jaco-
 bus Grasserus emendatiorem producit,
 sed emendatissimam omnium Gruterus. Pag. XLII.
 II.

LUNAE. ET ISIDI.

AVG. SACR.

C. OCTAVII

PEDONIS. LIB.

TROPHIMIO. SEVERI

AVG. V. S.

Equidem verba hæc, quæ jam solutun-
 dum votum indicant, inscripta Isidi dun-
 taxat putarem, quæ jam Luna est, cum
 hoc epigramma, ut notat Gruterus pi-
 ctam Lunulam crescentem, & Sistrum
 ostendet e Scaligeri Schedis.

CAPUT X.

*De Osiridis Capite. Ipse cum Iside bonæ va-
letudinis Præses. Ægroti in templum Se-
rapidis ducti. De Ave, quæ in Mar-
moris fastigio spectatur. De Accipitre
atque Anserè Isidi atque Osiridi sacris.*

CApit Osiridis a læva parte in summo
Lapide intuemur insculptum, quem
Bovis specie, atque Apis nomine antiqui
sunt venerati. Jam Serapidem eundem
esse atque Osiridem ab auctoribus passim
docemur. In Harpoc. Scriptorum loca, quæ Cupe-
rus opportune adduxit, prætereo tacitus,
& in Plutarchi verbis tantum consisto:
*Præstat autem Osirim cum Baccho eundem
facere, & cum Osiri Serapin, sic dictum
postquam naturam mutavit, quia omnibus
communis est Serapis. Quomodo autem Osi-
ris sit appellatus, norunt, qui sacrorum
sunt facti participes. Et rursus idem ait:
eamdem facultatem, quæ præstet conver-
sioni Solis Horum, Græcis Apollinem voca-
ri: quæ vento ab aliis Osirin, ab aliis Se-
rapin, Ægyptiace Sothi; Et paullo post:
Minime equidem de nominibus est contenden-
dum. Ego tamen Serapidis potius, quam*
Osi-

Osiridis nomen *Ægyptios sibi vindicare sinam*. Illud enim peregrinum, hoc Græcum: ambo unius Dei, seu facultatis vocabula, censeo. Quæ quidem verba, ut existimat Fabrettus, omnem tollere videntur dubitationem, cur tot Serapidi templa, & vix unum Osiridi statutum legamus. Externum quippe Numen Serapidis peregrino, suoque patrio nomine vocari par fuit. Mitto alias Plutarchi, & aliorum sententias, Apim esse intelligendam, formosam animæ Osiridis imaginem, Apimque eundem esse atque Osiridem, id solum in Macrobio animadvertens eundem esse Serapidem ac Solem *Ægyptiis*, Persisque Mithram. Verum opponet mihi aliquis, quid Sol cum voto suscepto pro valetudine, quid Isis etiam cum Serapide collocatur?

Inscript.
cap.6.

Lib. I. cap.
20 a Turre
de Mithra
cap.2.

Opportune omnia sunt inventa a veteribus, atque instituta sapienter. Isis enim, ut jam cum Macrobio supra commemoravimus, *juncta religione*, hoc est cum Serapide, *celebratur*. Ergo hæc duo Numina nunc simul conjuncta rectissime dicendum est; nemoque certe repugnabit, cum utrumque bonæ valetudini præesse intellexerit. Jam alibi id leviter attigi. Nunc aliquanto latius res

72 IN MARMOR ISIACUM
patere debet ex Inscriptionibus , quas
tum a Grutero , tum a Fabretto deprom-
ptas studioforum oculis subjicio .

Pagina
LXXXII.5

ISI. SACR —
L. MAGIVS PHILEAS VI. VIR
AQVIL. OB
SALVT. GRATTIANI
FILII. ET GRATTIAE

Altera hæc indicat manifeste eadem de
caussa Serapidi simul atque Ifidi votum
solutum .

Pagina
LXXXIV.
8.

ISIDI. SERAPIDI. LIBER
LIBERAE. VOTO
SVSCEPTO. PRO. SALVTE
SCAPVLAE. FILII. SVI
P. QVINCTIVS. PARIS
S. L. M.

Spestat quoque ad Ifidem hoc epigram-
ma , quod jam eam Lunam esse signifi-
cavimus .

LVNAE. AETER. SACR,
 PRO. SALVTE
 IMP. CAES. L. SEPTIMI
 SEV. PII. INVIC. PRINC.
 PONT. MAX. P.P.
 JVLIVS. BALBILLVS
 ANVLLINVS
 PRAEF. VIGIL. V. S. L. M.

Pagina
 LXXXII. 2

Hoc pariter ad Serapidem pertinet, cum
 idem jam sit Serapis ac Sol.

SOLI. AETERNO
 SACR
 PRO. SALVTE. P. VALERI
 CRISPI. SEPTEMTRION
 SACERD. DEI. INVICTI
 M. ANTONIVS. M. F. LIBER
 MESOPYLVS
 AEDITVVS. LOCAVIT

Pagina
 LXXXII. 2

Sed & qui hoc Votum Terræ matri sol-
 vit,

vit, Isidem intellexit, quoniam satis
superius eam quoque Terram esse indica-
vimus.

TERRAE . MATRI
MAROGATANVS
PRO . SALVTE . SVA . ET
SVORVM
V . L . M . S .

Iter Ital.
Dalm. &c
T. 2.

Jacobus Sponius in finem suorum Itine-
rum duas Græcas Inscriptiones conjecit,
quas huc afferre placet, ut ex his melius
etiam Isidis, in Græcia cultum constabi-
liamus, sicuti antea declaratum est. Hanc
Sponium in nobilissima Marchionis Ri-
chardi domo Florentiæ reperisse legi-
mus.

ΙΣΙΔΙ ΧΡΕΣΤΗ ΕΠΙΚΟΛΙ
ΣΕΛΕΤΚΟΣ ΣΟΚΡΑΤΟΥ ΕΥΧΗΝ
ΕΠΙ ΙΕΡΕΩΣ ΔΙΟΚΛΕΟΥΣ
ΤΟΥ ΔΙΟΚΛΕΟΥΣ ΤΥΡΜΕΔΟΥ

*Hoc est, Isidi concedenti, obsequenti Se-
leucus Socratis filius votum posuit sub Pon-
tifice Diocle Dioclis filio Turmedo.*

Hanc

Hanc vero , quæ aliqua verba desiderat,
ad Montis Cynthii radices se vidisse te-
statur .

ΠΟΠΑΙΟΣ

Tom. 2.

ΤΟΥΤΩ Ι.....

ΥΠΕΡ [ΕΑΤΩΝ.....

ΤΩΝ ΙΔΙΩΝ ΣΑΡΑΠΙΔΙ

ΙΣΙΔΙ ΑΝΟΤΒΙΔΙ ΑΡΠΟ

ΧΡΑΤΕΙ ΔΙΟΣΚΟΤΡΟΙΣ

ΕΠΙ ΙΕΡΕΩΣ

ΣΤΑΣΕΟΥ ΤΟΥ ΦΙΛΟ

ΚΛΕΟΥΣ ΚΟΛΩΝΗΘΕΝ

Hoc in loco votum Ifidi , Serapidi , Anu-
bidi , Harpocrati , Castori , & Polluci so-
lutum legimus : quæ Numina ibi fortasse
templum , aut saltem Aram in Apollinis
delubro habuerunt , quamvis hanc no-
bis cognitionem antiqui historici invi-
derint . Ægyptii enim interdum Sera-
pidem Jovem esse dicebant , atque Apol-
linem ; quare Serapidis caput radiis di-
stinctum sæpissime exhibuerunt . Isidem
autem ab ipsis pro Luna sumptam ad fa-
stidium usque probavimus .

Ad nostrum præterea institutum ma-
gis comprobandum multum valet Num-
mus

76 I N M A R M O R I S I A C U M
 mus æreus Imperatoris Claudii, ubi Isis
 fistro, Situla ornata cernitur hisce ver-
 bis: SALUS AVG. Atque hinc cum
 Philippo a Turre sentio Isidem SERVA-
 TRICIS, ac SALUTARIS nomen fuisse
 adeptam. Apud Fabretum hæ le-
 guntur Inscriptiones.

De Diis
 Aquil pag.
 314.
 Paul lib. 8
 Inscript.
 cap. 6.

PROSERPINAÆ
 SERVATRICI
 SEX. VOLVMNIVS
 PRO. AEMILIA. PETE
 LINA. CONIVGE. SIBI.
 RESTITVTA
 EX VOTO SVSCEPTO
 ARAM. CONSECRAVIT

In Iside. &
 Osirid.

Præparat.
 Euang. lib.
 4. cap. ult.

Nemini credo creaturum esse nego-
 tium *Proserpinæ* nomen in hac Ara votiva
 inscriptum, quasi vero nihil ad Isidem.
 Scribit enim Plutarchus: *Neque alium
 esse Serapidem quam Plutonem, aut Isidem
 quam Proserpinam*, ut superius est de-
 monstratum. Eusebii verba, quæ huc
 peropportune possent adduci, brevita-
 tis causa omitto.

SAE-

SAECVLO. FELICI

PHISIAS. SACERDOS. ISIDIS. SALUTARIS

CONSECRATIO

PONTIFICIS. VOTIS. ANNUNT, DII. ROMANÆ

REIP. ARCANAEQVAE. VRBIS. PRAESIDIA. ANNUNT

QVORVM. NVTV. ROMANO. IMPERIO. REGNA. CESSERE

Ceterum pedum potissimum curationes Isidi acceptas veteres retulerunt. Hinc figura Pedum non raro exculpta in his monumentis invenitur, quæ tamquam memoria curationis offerebatur.

Imo in Serapidis fanis solebant Ægyptii ac Romani ægrotos certis quibusdam ritibus expiatis deponere, ut remediis immixtis per somnium, quemadmodum indicat formula EX VISU sæpe in ejusdem celebrata Inscriptionibus, doceret eos Deus ille, quo adversus morbos possent uti medicamento. Hac de re pulcherrimum suppetit Ciceronis effatum:

Quid convenit agros a conjectore somniorum potius quam a medico petere medicinam?

An Æsculapius, an Serapis potest præscribere per somnium curationem valetudinis?

Est præterea illud de Vespasiano narrante Suetonio: *E plebe quidam luminibus orba-*

Artemid.

Henric.
Kipping.
Antiq. Roman. cap. 5.De Divin.
lib. 2.

Cap. 7.

batus, item alius debili crure sedentem, Vespasianum videlicet, pro tribunali pariter adierunt, orantes opem valetudinis demonstratam a Serapide per quietem; restitutum oculos, si inspisset; confirmatum crus, si dignaretur calce contingere. Idem in Tacito legitur. Morem hunc immittendi ægris remedia per quietem hæc Inscriptio confirmat.

Lib. 4. Histor. prope finem.

Inscr. Ibid.

DEO . SERAPI
M. VIBIVS
ONESIMVS
EX. VISV .

Quare Fabrettus addit: *Votum ab Onesimo pro salute Serapidi solutum EX. VISU. explicat vetustam illam superstitionem, a Serapide nimirum per Somnium curationem valetudinis expectandi. Ex illis Cicero- nis verbis satis ab omnibus posse intelligi credo, ægrotos vel in Æsculapii templis incubare consuevisse, ut medelam in somniis expectarent. Omitto Inscriptiones, quia jam res est trita ac pervagata, cum antiquitatis studiosi Danielem Classen possint evolvere, in cujus libro omnia quæ in hanc rem a me dici queant,*

De Orac.
lib. 1. cap.
10.

queant, rectissimo digesta ordine reperiuntur. Adjungam his tantum simile nescioquid de Hyetto Hercule tradere Pausaniam: *Hyetti Herculis Delubrum visitur, & ex eo morborum remedia extantur**. In Grutero certe hoc extat monumentum.

Ereot. cap.

24.

*V. pag. 110.
Pagina

XLVIIII.

HERCVLI

INVICT

PRO. SALVT

C. IVL. METRO

BIANI. ET

AELIAE. BO

NAE. CON

IVG. ADA

MAS. EX VOT

Verum quod ad Isidem ac Serapidem attinet, arbitror cuique esse persuasissimum, quam apte in nostrum Marmor cum Iside etiam Serapis conveniat, cum jam uterque hominum valetudini inserviret.

Fieri potuit, ut in dextera parte, quæ anteriore latere ac posteriore summo in-

mar-

marmoris loco manca est, caput Ifidis, atque Hori existeret, ut hoc in monumento omnia tum Osiridis atque Ifidis expressa symbola haberentur, tum etiam effigies spectaretur.

In medio Lapidis fastigio Avis cernitur, cui vasculum adhæret, opinor, ut inde haberet alimenta, quibus foveretur. Multis in simulacris, atque ejusmodi monumentis, Aviculas ac Serpentes, apud quos talia vasa cernuntur, licet intueri. Quod autem genus sit Avis, quæ Saxum nostrum exornat, non video tam facile posse divinari. Illam equidem crederem esse Upupam, cum Ælianus in summam illam asserat apud Ægyptios præsertim veneratione versari, quod hæc species soleat se erga suos gratam ostendere. Pignorius in Tabula Bembiana jubet a nobis sceptrum observari, in cuius vertice caput Avis extollitur, quam ille Upupam vocat. Idem in Gemma affert Hori typum. Hæc Horum in Baride forsan jacentem ostendit, ac veste virgata indutum. Caput & pedes Upupa obfidet, cum Horus Osiridi patri suo mortem a Typhone illatam per summam pietatem sit ultus. Quoties enim gratum alicujus animum volebant Ægyptii signifi-

fica-

lib. 10. cap.
17. lib. 16.
cap. 5. de
Hist. Anim.

Tab. I. & 2.

Pag. 51.

EXERCITATIONES CAP. X. 81

ficare, Upupas legimus depinxisse. Itaque qui hunc Lapidem Isidi sacravit, aut propter ab Iside bonam impetratam valedudinem, Upupa insculpta, se illi gratum prodere in animo habuit, aut Hori erga patrem pietatem ea ratione demonstrare. Similes Aves in Pignorio, & in Cupero signis ac Gemmis impressis cernuntur.

Si quis vero in eam opinionem inclinet animum, ut illum Accipitrem credat, quippe qui Soli quoque sit consecratus, cujus plumis nostra Numina sæpe ornata occurrunt, non repugnabo; quamquam Accipiter grandior est.

Quoniam de Upupa, atque Accipitre nostris Numinibus sacris meminimus, de Anser^{*}e quoque, quæ Isidi atque Osiridi devota dicitur, locus postulat ut recordemur. Anser enim in templis eorum alebatur, atque fuit sacrificium Isidi gratissimum. Isiacus enim apud doctissimum Spanhemium Sacerdos inter varias florum, & fructuum primitias etiam Anseres gerit. Illæ autem Soli dicatæ sunt, quia ut hic nil nisi ignis, ita hæ aves natura calidissimæ sunt. Sed de his Pignorius, Vossius, Cuperus, Smetius, & Spanhemius ad satietatem quemvis docebunt.

*supple Avu
ex pag. 109.*

Dissert. 6.
de Præst.
Numis.

Mens. Isiac.
ca passim.
Theolog.
Gent lib. 9
cap. 11.
De Harpoc.
pag. 71. Antiq.
Neomag.
pag. 132.

CAPUT XI.

Alterum Lapidis Isiaci latus. Anubis. De Palma, & Situla quas gerit. Tertium latus explicatur, ubi Discus, Dolabra, vel Dolabrum, ut ait Boissardus; Vasculum, & Flos in eo; ubi quadam de Libationibus. Lucerna Isiaca.

IN altero Marmoris Isiaci latere, ecce tibi Anubis canino capite Osiridis, & Nephthys filius, quem e furtivo natum concubitu refert Plutarchus. Pedes sunt instructi talaribus, cum Mercurius sub
 Ibid. ejus figura coleretur. Verum Apulejum audiamus: *Ille Superum commeator & inferum, nunc atra, nunc aurea facie sublimis, leva caduceum gerens, dextera palmam virentem quatiens.* In Cupero Signum observatur Harpocratis talaribus
 Ibid. ad pedes adhibitis. Anubim caput canis tradiderunt ostendere, aut propter Mercurii sagacitatem, cum sit nihil cane sagacius: aut quia cum sit Anubis Osiridis filius, patrem secutus in bellis se probavit fortissimum, & Isidis atque Osiridis fuit semper visus custos diligentissimus.
 pag. 32. Ceterum si quem nobis Cynocephalum

lum exhibet Apulejus, palmam dextera gestantem, non vero læva manu, ut in nostro Signo apparet, manifeste intuemur, hoc nemini facessere negotium debet. Tum enim in Gemmis ac Nummis, tum in ceteris antiquitatis monumentis effictum arbitror Anubim ad voluntatem Sculptorum, quos interdum nihil, aut certe parum de rerum ordine laboravisse videmus in multis. Quamquam huc totam industriam collatam intelligimus, ut omnia, quæ aliquid significarent, exprimerent. Chifletius varia Anubis simulacra exhibet. Inter alia signum unum illi, quod ab Apulejo describitur, profert plane simile, in cuius dextera palma est, quam noster Anubis tenet sinistra. Sinistrâ vero Chifletii Anubis caduceum tractat; noster dextera Caduceum, aut Sistrum fortasse gessit; quamquam id, cum ea pars desideretur, minime appareat. Sua enim etiam erat Sistro significatio, quoniam Isidem constat Ægyptii Genium habitam, qui per Sistri motum *Nili accessum & recessum* indicaret. *Quidam Deam quamdam esse dicebant, & Deam quidem Dianam, aut ejus loci Genium Isim.*

Gemm. Abrax. Tab. 13.

Heliod. lib. 1. init.

Atque hoc in loco illud mihi venit in mentem, quod Juvenalis dixit: Anu-

Sat. 15.

84 IN MARMOR ISIACUM
bim videlicet ab omnibus coli, Isidem
vero a nemine.

*Oppida tota Canem venerantur, nulla
Dianam.*

Lib.2. Censeo hoc a Poeta potius satyricum
quam vere pronunciatum. Nam Saxum
nostrum Isidem, atque Anubim præfert.
Præterquamquod, teste Herodoto, in
Urbe Bubasti Dea hæc fuit cultu peculia-
ri honestata. Verum & Cynocephalum
nostrum *Situla* læva manu tenentem con-
templemur.

Ibid. Non solum Sistro, verum etiam *Situla*
frequenter Ægyptiorum Numina exor-
nabantur. Nam ex illorum sententia hu-
morem rerum omnium esse originem cre-
debant antiqui, quæ ut Ægyptii clarius
docerent, Hydriam, vel *Situlam* aqua
plenam in Osiridis, & Isidis sacris cir-
cumferri jubebant, ut docet Apulejus,
cui Vitruvii verba omnino addenda vi-
dentur. *Ex eo etiam, qui Sacerdotia ge-
runt moribus Ægyptiorum, ostendunt om-
nes res e liquoris potestate consistere. Ita-
que cum Hydriam tegunt, quæ ad Templum,
Ædemque casta religione refertur, tunc in
terra procumbentes, manibus ad Cælum
sublatis, inventionibus gratias agunt divi-
næ benignitatis. Neque illud memoriæ*
man-

In Præfat.
lib 8 edit.
Elzeu. Am.
ñ. 1649.

mandare neglexit Plutarchus; cum inquit: *Non solum autem Nilum, sed omnem simpliciter humorem defluxum Osiridis vocant: & ante sacra in pompa semper præcedit Vas Aquarium in honorem Dei.* Ubi insignis iste Philosophus ex Ægyptiorum doctrina plurima disputat, unde comprobatur principium rerum ab humore perfectum. Vide Servium, qui per situlam affluentiam omnium lacunarum significari demonstrat. Baudolotius tamen contra illum sentiens, scribit, per hanc Situlam non bene quod ait Servius, significari, dum Vasculo illi nihil esse potest cum lacunarum cursu. Potius existimat per illas situlas fieri manifestum, omnia Ægyptiaca Numina inter Lares Deos sedem obtinuisse. Nummi autem, & alia Antiquitatis monumenta imagines referunt, ubi Palma, qualis nostra est, ab eruditis conspici potest. Sed ad tertiam Lapidis partem explicandam veniamus, in quo Discus, Dolabra, seu, ut ait Boissardus, Dolabrum, & Vasculum apparet, ubi etiam Flos est bellissime insculptus.

8. Æneid.

In larih.

Fuit veterum consuetudo, ut postquam Diis sacra ac vota fecissent, in moribus sacrificii potissimum instrumenta, & interdum victimarum capita inscul-

Guilielmus
Choul. de
Vet. Relig.
Rom.

perent. Id certe tum ex aliis, tum ex nostro Marmore confirmatur, ubi quæ dicimus, possumus efficta spectare, Discum scilicet, Dolabram, & Poculum, quæ, ut jam constabit, in sacrorum usum antiquis temporibus cessere. Disco, teste Boissardo, ad ferendas carnes, aut sanguinem colligendum, qui una cum vino Aris inspergeretur, ubi delibassent Numinibus, Romani sunt usi. Quod si nonnullis non Discus, sed Patera videbitur, nihil ideo mihi esse laborandum censebo.

Voss Theol. Gent.
lib 9. Alex
ab Alex.
lib. 3. c. 12.

Oneiroc.
lib. 4.

Dolabra fuit culter grandior ab Ethnicis in sacrificiis usurpatus, ut victimas, ubi malleo percussæ essent, aut jugulatae, degluberent. Hoc a *dolando* dictum est instrumentum, hoc est ab æquandis carniū partibus, quæ Diis offerrentur. Isidia autem scimus Vitulam fuisse dicatam, atque adeo, cum illi aliquis operaretur, oblatam. Isidi quoque jecur Anseris sacrum erat, quia eo nihil delicatius crediderunt. Imo ait Artemidorus in Isidis templis anseres solitos esse servari.

Quodnam autem Vasis genus sit, quod medium tamquam fractum in saxo insculptum est, difficile mihi videtur ali-
quid

EXERCITATIONES CAP. XI. 87

quid vero simile conjectura duce depro-
mere. Inter Vasa Libatoria Simpulum
fuit, sive Simpuvium, ex quo in Libatio-
nibus Sacrificiorum minutatim parum
vini sacrificantes desumebant. De Sim-
pulo quid sentiat Festus, audiatur.
Simpulum, inquit, *Vas parvum, non dis-
simile cyatho, quo vinum in sacrificiis li-
babatur, unde & mulieres rebus divinis de-
ditæ, Simpulatrices dicuntur.* Verum
si ex antiquis lapidibus, & nummis ejus
figuram metimur, nihil Simpulo cum
nostro Vasculo commune ac simile repe-
riemus, nisi vero sculptoris voluntati ac
libidini aliquid permissum velimus. Præ-
fericulumne illud esse dicemus, quo pa-
riter in sacrificiis antiquæ usæ gentes
feruntur? Verum cum hæc animo agita-
rem, ac scriberem, statui meos mihi ami-
cos consulendos, ac potissimum V. Cl. Bla-
sium Caryophilum, qui ut probe cognos-
cerem doctissimos quosque esse huma-
nissimos, quæ ad hoc meum institu-
tum pertinentia in sua Adversaria
conjecit, illorum mihi copiam libera-
liter fecit, atque, ut evulgarem, li-
benter permisit. Hæc igitur, quæ se-
quuntur ex Amici Schedis collecta
sunt.

Saubertus
de Sacrific.
cap. 18.

In Etymol.
Magno.

Julius Pollux inter ἀταθήματα *oblaciones vel dona sacra*, numerat *σεφάνες, φιάλας, ΕΚΠΩΜΑΤΑ, θυμιατήρια, χρυσίδας, ἀργυρίδας, δινυχόδας, ἀμφορέϊκους coronas, phialas, POCULA, thuribula, aureas, argenteasque phialas, cyathos, amphoras*, quæ in templis vel Sacellis reponerantur: hinc, ut scribit Polemon, in Sacello Metapontinorum in Olympia erant *φιάλαι ἀργυραὶ ἐκατὸν*

Ap. Athen.
l. ii. p. 479

τριάκοντα δύο, δινυχόαι ἀργυραὶ δύο, argenteæ phialæ cxxxii. gutti argentei duo. Et in Sacello Junonis vetusto *φιάλαι ἀργυραὶ τριάκοντα, κρατάνια ἀργυρὰ δύο argenteæ phialæ triginta, argentea Cratanea duo*. Vasa etiam sibi propria habuit mensa sacra Hebræorum. Hinc LXX. interpretes in Exodum

p. 480.

καὶ τὰς κυάδας αὐτῆς, ἐν οἷς σπείσεις. Sed quem usum poculum nostrum habuerit, nunc disquirendum. Antiqui Ethnici præ aliis, quæ peragebant, cum ad Deos accederent, solebant *σπένδειν*, vel *κατασπένδειν*, *σπένδειν* idem ac *Λεῖβεῖν*, hoc est *libare*, usi hac precandi formula, uti *bene vos, bene nos vivere εὐχομαι precor*: quod expressit Ovidius

c. 25. v. 29.

Et bene vos, bene tu patriæ pater optime

Poll. l. i. c.

Cæsar,

Eustath. in
Homer. p.
640.

Dicite suffuso per sacra verba mero.

l. 2. fast.

Inter libationes & preces Deos rogare

fo-

soliti, ut quæ justa sunt, agere possent, uti a Xenophane Colophonio traditum elegantissime.

Νῦν γάρ δὴ δάπεδον καθαρὸν καὶ χεῖρες ἀπάντων
καὶ κύλικες, πλεπλὲς δ' ἀμφιτιθεῖς σεφάνες,
ἄλλος δ' ἐνὶ ὄδοις μύρον ἐν φιάλῃ παρατείνει.
κρατὴρ δ' ἔθηκεν μέσος εὐφροσύνης.

ἄλλω δ' οἶνος ἔτοιμος, ὃς ἔποτε φησὶ προδῶσεν
μέλιχος, ἐν κεράμοις ἀνδρὸς ὁσδόμενος.

ἐν δὲ μέσοις ἀγνὴν ὀσμὴν λιβανωτὸς ἴησι,
ψυχρὸν δ' ἐστὶν ὕδωρ καὶ γλυκὺ καὶ καθαρὸν.

πέρκενται δ' ἄρτοι ξανθοὶ, γεγραμμένη τράπεζα,
τυρὲ καὶ μέλιτος πόνος ἀχθόμενη.

βαμὸς δ' ἀνδρῶν αὐτὸ μέσον πάντῃ πεπύκασαι,
μολπὴν δ' ἀμφὶς ἔχει δώματα καὶ θαλίη.

χρὴ δὲ πρῶτον μὲν θεὸν ὑμνῆν εὐφρονας ἀνδρας
εὐσημοῖς μύθοις καὶ καθαροῖσι λόγοις.

σπεύσαντας τε καὶ ἐυξαμένους τὰ δίκαια δύναιται
πρῆσσειν. ταῦτα γὰρ ὦν ἐστὶ προχειρότερον.

*Nunc enim mundum solum est, puræ cunctis
manus, atque etiam calices: est vero corona,
quæ circumponitur, plicatilis. Alius
in phiala suavis odoris unguentum porrigit:
adstat autem plenum delectationis poculum:
vinum aliis in promptu, quod nunquam se
deserturos ac prodituros ajunt, melliti gustus,
in dolis flores olens. Horum in omnium
medio castum odorem thus spirat, ge-*
li-

lida, dulcis, & syncera aqua est. Adjacent flavi panes, honorataque mensa, caseo, & pingui melle onusta. Ara quaquaversus media floribus stipatur: ades circumquaque cantu personant, & conviviis. Est autem hymnis laudandus primum sapientibus viris Deus faustis verbis, mundoque ac puro sermone: post Libationes, ac Preces, ut quæ justa sunt, agere possis: hoc enim magis expeditum ac facile est. Clarius tamen ex Ione Chio

χαίρετω ἡμέτερος βασιλεὺς, σωτὴρ τε πατὴρ τε,
ἡμῖν δὲ κρατὴρ. εἰνοχόοι δέερατες

κινάνταν προχοῶσιν ἐν ἀργυρέαις. ὁ δὲ χρυσὸς
οἶνον ἔχων χειρῶν νιζέτω εἰς ἑδάφος.

σπένδοντες δ' ἀγνῶς Ἡρακλῆϊ Ἀλκμήνῃ τε
Προκλείϊ Περσείδαις Τῆν Διὸς ἀρχόμενοι,
πίνωμεν, παίζωμεν.

Salve rex noster, pater ac servator: nobis ad manum esto calix: pocillatores ministri vinum misceant guttis argenteis: aurum vino grave in manum solum veniat: libantes caste Herculi & Alcmenæ, Procleo, Persidis, & auspiciati ab Jove bibamus, ludamus. Apud Romanos vinum in mensa libatum. Virgilius

Æneid. 5.

737.

*Dixit & in mensa laticum libavit honorem.
Quinimo aliquando cum Deos preca-*
ban-

bantur, vini aliquid in mensam effundere consueti, ut ex Virgilio constat.

In mensam læti libant, diuosque precantur. Lib. 8. v. 279.
Hebræis in more positum, ut vinum

totum Deo offerrent: contra vero Ethnici vini parte aliqua Numini libata, reliquam sacrificantibus ebibendam distribuerent, ut ex Pentateucho deducimus: & dicit Dominus, ubi sunt

Deut. c. 32.
v. 38.

Dii eorum, in quibus habebant fiduciam, de quorum victimis comedebant adipēs, &

יִין נִסְיֹם bibebant vinum libaminum; quod vinum Græcis οἶνος ἀπονδύον di-

Esther. c.
14. v. 17.

citur. Ægyptii למני ממסך Meni vinum mixtum libare soliti, νέκταρ a Græcis

Ap. Isai. c.
64. v. 11.

Paraphrastis nuncupatum, ut ob præteriti, & futuri anni fertilitatem illi gratias

l. 1.

agerent. Menin Diodorus Ægyptiorum regem fuisse memorat, qui illos ad

viētus, cultusque rationem traduxit, ac multis beneficiis cumulavit; qua de causa inter Deos illum retulerunt; hinc apud

l. 12. sub
fin.

Strabonem Μενὸς ἱερὸν legimus. Hebræi

tamen vinum tantum purum & generosum in sacrificiis effundebant; Locus

Lev. c. 13.
v. 11. Num.
c. 15. v. 7.
& c. 28. v. 7

enim in altari erat, ubi שְׁנֵי פְּלִים

due conchæ sitæ, una in quam aqua, altera in quam vinum immittebatur, prima

Misn. in
tract. Succa.

Occidentem, secunda vero Orientem spectat.

et l.

In Man.
fort. & in
tract de
ministr.
Sacrific.

etabatur: quæque Conchis excepta, in Chidron postea defluebant. R. Maimonides in Festo Tabernaculorum hoc tantummodo factum asserit, cum Hebræi Deum rogarent, ut per annum ingentes pluvias demitteret. Sacrificiis vero, quæ singulis diebus peragebantur, vinum non per hasce conchas effundi solitum, sed per foramina sita in angulo altaris, qui Occidentem Austrumque respiciebat, in quem reliquum sanguinis post aspersionem parietibus altaris factam, emittebatur. Solenne etiam Ethnicis vinum poculis *κατασπίσαι* hoc est, *inspergere fronti victimæ*, ita enim explorabant victimas, ut si non exhorrerent, aptæ probarentur; quemadmodum *κατασπένδειν* explicat Servius. Nunc ad Poculum nostrum deveniamus. Apud Gentiles vasa erant τῶν αἰ θεώτων χρείας ἔνεκα *ad hominum usum*; alia vero τῆς τῶν θεῶν τιμῆς *ad Deorum cultum comparata*. Primi generis Eratosthenes Cymbia facit: phialas autem secundæ: quamvis hoc verum non semper sit. Nam legimus Deorum cultui cyathos, amphoras, pleraque alia pocula designata, & constituta, quæ & hominibus inserviebant; sicut innumera alia ad hominum usum comparata, præter Cymbia.

In lib 6.
Æn.

Ap. Athen.
1.11. p. 482

bia. Poculum igitur nostrum quin sacrificiis Isidis deserviverit, nullus dubito, cum sculptum marmori simul cum cultro, & disco inspiciamus. Poculis enim Gentiles utebantur in libationibus: hinc fœditati tribuit Theophrastus, *ἢ ἐνχομένῃ* ἢ *σπενδόνῃ ἐμβαλεῖν* (*ἐμβαλεῖν* legendum putat Casaubonus) τὸ ποτήριον *dum vota libationesque fiunt, poculum sibi e manibus elabi sinat*. Poculum in marmore Isiaco positum poculum Alexandrinum reor esse nominandum multis de causis, maximeque, quod illi convenit delineatio, quam R. Maimonides facit his verbis חוסות אלכסנדריא

In charact.
p. 35. ed.
Casaub.

In tract. de
sanctuario
c. 3. 18.

שפיהן רחב ושוליהן קצר *pocula Alexandrina, quibus os latum, & fundus angustus*; imo omnino eadem pocula visuntur in nummis Samaritanis, quorum nummorum auxilio restitui potest poculum Isiacū injuria temporum corrosū. Non enim forma discrepant inter se, imo γήστια esse videntur; eodemque modo Basim tornatam tenent, ac utrisque scaphus a basi tanquam fulcrum poculi adsurgit: fundum etiam ambo habent angustum, os vero latum. Ita & calices fuisse Argivos proditum a Simonide Amorgio, quibus ποξὰ ἦσαν τὸ χεῖλος *distorta enim labra*, contra

Ap. Relan.
in dis. de
num. vet.
Hebr. p. 1.

Ap. Ath. 1. *ἐνάντι*
11. p. 480, ex pag. 109.

vero Atheniensium calices labris rectis ornati. Utrique tamen ἐπίσμοι *in pretio*. Accedit etiam, quod ex sculptura, quæ in poculo inspicitur, magis ac magis sententia nostra confirmatur, illud ad exemplar Alexandrinorum fuisse effectum. In Ægypto enim Strabo refert τινὰ βασιλιν γῆν *quamdam terram vitrariam* gigni, quæ ἐν τῇ Ἀλεξανδρείᾳ παρὰ τῶν βαλεργῶν *a vitrariis Alexandrinis* ita tractabatur, ut sumptuosa quædam, & multorum colorum opera perficerentur. *Calices Ægyptios operis diversi* vocavit Gallienus Imperator; quique Hadriano exhibiti, donoque dati a Sacerdotibus Ægyptiis, ut ex Epistola quadam ejusdem Hadriani refert Vopiscus. Qui vero illos perforabant, cælabant, sculpebant Artifices *Diatritarii* appellati in Codice. Unde Ulpiano *calices diatrete*, Martiali *diatrete*. Apud Græcos etiam in pretio fuisse vitrea pocula constat ex Aristophane

Ap. Treb.
in vit. Cla.
ud.

Lib. 12. ep.
71.

In Acharn.
v. 73.

ἐκπίνομεν

ἐξ βαλίων ἐκπομάτων, καὶ χρυσῶν

ἄκρατον δίνεν ἡδύν.

In dissert.
de Mercat.
Antiq. p. 67
88.

Sed de his alibi Caryophilus locutus. In poculo nostro sculptam videmus arborem,

rem cui fructus orbiculati ab extremis ramis pendent. Palmam suspicor esse, Dioscor.
Lib. 1. c.
298. quæ ἐν Αἰγύπτῳ γίνεται in *Ægypto gignitur*; cuique Theophrastus fructus tribuit σφαιροειδείς ὡς ἀνείμῃλα *rotundos in modum malorum*. 1011. hist.
plant. c. 8. Hactenus ex Schedis Amici.

Sed quoniam de Poculo hactenus sumus locuti, extra propositum aberrare non videbor, si de Lucerna Isiaca pauca addam. Lucerna hæc erat instar Cymbii potorii efficta, seu Nucis amygdalinæ, in qua ellychnium medio in loco statui possit, cum utraque extremitas angusta sit, in acutum tantisper desinens, cujus medium sese latius aperit: quod de Antistite Sacrorum Isis explicuit Apulejus: *Quorum primus lucernam præmicantem claro porrigebat lumine, non nostris consimilem, quæ vespertinas illuminant epulas: sed aureum Cymbium in medio sui patore flammulam suscitans largiorem*. Callimachus pariter de lucernis Isis, λύχνος Ἰσίδος meminit. Verum de his consule

Ibid.

Epigr. 53.
p. 227. Ed.
Ultraject.

Casalium, Saubertum, &, ut omnia tibi occurrant, V. Cl. Samuelem Pitiscum in suo Antiquitatum Romanarum eruditissimo Lexico.

Apparet quoque in superiore marmoris parte in medio fastigio Manubrium

96 IN MARMOR ISIACUM
quoddam, quod oculos sculptoris effu-
git. Fortasse aut caducei, aut fistri fi-
gura eo in loco spectabatur. In eodem
summo spatio dextrorsum Orbes emicant,
quos in Lunæ morem ductos intuemur.
De Luna satis superius verba fecimus.
Harpocratis Signum pulcherrimum ad se
nos vocat.

CAPUT XII.

De Harpocrate pauca. Lotus. Arbor Persica Isidi, & Harpocrati sacra. Clauditur Dissertatio.

AD quartum Isiaci Marmoris latus pervenimus, ubi Harpocratem Cornucopiam brachio sustentem elegantissime expressum contemplamur. Filius Isidis atque Osiridis habebatur, ut in Capite Quinto, quod vide, aperte demonstravi. Eum Ægyptiorum Numinum perpetuum comitem fuisse accepimus, atque ubi Serapis, atque Isis habitavit, ibi etiam Harpocratis simulacrum extitisse. Certe hinc factum est, ut in antiquis monumentis hæc Numina sæpissime conjungantur, ut pariter in nostro hoc Marmore possumus facile animadvertere. Digitis, quibus os pulcherri-
me premit, Isidis, ac Serapidis, quibus-
cum colebatur, sacra indicat non esse
enuncianda: aut videtur, quemadmodum
alii interpretantur, monere, ne quis evul-
garet, Deos illos, Isidem scilicet, ac
Serapidem in hominum numero extitisse.
Alii, quod silentium quodammodo indi-
cat,

cat, silentio præesse dicunt, ut passim apud veteres, ac recentiores auctores percipere quisque potest. Id enim tam tritum est, atque in medio positum, ut tempus ulterius non esse mihi conterendum videatur.

Pag. 253. Plerumque nuda Harpocratis simulacra exhibentur, lævo brachio tantummodo, quod Cornucopiam sæpe tenet, velamentum nescio quod ad imos fere pedes demittente, ut in illis signis, quæ a Baudelotio, & a Cupero proferuntur, cuique licet observare. Harpocratis vero nostri imago id præ ceteris rectissime ostendit.

Pag. 253. Baudelotius, cum Harpocratem quoque inter Panthea signa, ut jam superius attigi, atque inter Deos Lares collocet, caninis pellibus protegi illum declarat aliquando, quod regumentum *Velleris* etiam nomine intelligi posse contendit, ut apud eundem scriptorem curiosis licet perdiscere. Non omitтам tamen pulcherrimam Inscriptionem ab ipso allatam, unde fit palam, existimasse veteres Isidem sibi propitiam reddere, si illi signum Harpocratis aut muneris, aut voti causa obtulissent.

ISIDI

SIGNUM HARPOCRATIS

C. DIDIVS

ACVTIANVS

DON. DED.

In Harpocrate nostro duo solum perpendi debere censeo, foramen, quod in ejus capite apparet, & Persicæ Arboris folium, quod in summa cornucopia altius se extendit. Nihil aliud certe illud foramen significat, quam inibi Lotum Ægyptiacam collocatam, quippe quæ jam Soli consecrata dicitur. Lotus Ægyptiaca a me intelligitur, quæ Lilio similis; imo Lilium ipsum Ægyptiacum ex Herodoti sententia, a ceteris habetur auctoribus. Loti porro duo esse genera solo discreta colore docet Magnus Spanhemius. Alterum tradit rosacei coloris, quod idem sit cum *Colocasia*, seu *Faba Ægyptia*: alterum flore albo, & Lilio simili, quod nihil sit aliud quam *Nimphæa Nilotica*. Sunt tamen qui hæc misceant. Ceterum nihil magis vulgare est quam Lotus in Nummis Ægyptiacis. Sunt in-

Lib. III.

Dissert.
Sex. p. 101.
post. edit.

Apud Tri-
stanum.

De Myst.
Ægypti.

De Isid. &
Osiride.

Lib. 4.

Lib. 13.
cap. 17.

ter reliquos duo insignes in Ægypto cu-
si sub Hadriano & Antonino, quorum
alter Harpocratem Loto insidentem ex-
hibet, digitumque ori admoventem: al-
ter Isidem Horo ubera præbentem. Aper-
te Jamblicus docet, Deum *super Lotum se-
dere*, additque eo symbolo denotari ejus
cum *eminentiam*, & *potestatem*, tum
etiam *facultatem præsidendi*, quod in Lo-
to omnia, flos nempe, & fructus, sint in
circuli morem efformata: Deumque per
se solum sedere expansum, quod in se
ipso penitus quiescat. Ita iidem Ægyptii,
teste Plutarcho, Solem infantem e Loto
prodeuntem fingunt, dum ita Solis ortum
exprimere in animo habent, significantes,
quomodo is ex humidis accendatur. Huc
spectant, quæ de Loto & a Dioscoride,
& a Plinio narrantur. Ille hæc habet:
*Est & in Ægypto Lotus, quæ in campis flu-
mine inundatis provenit caule fabæ, flore
parvo, candido, lilio simili, quem tra-
dunt, occidente Sole, comprimi, occludique,
ad ortum autem aperiri: adduntque caput
ipsum vespera aquis condi, & ad exortum
Solis emergere.* Hic eadem de eadem Lo-
to scribit, ac præterea illam Ægyptiis
usum panis præbuisse: *Est autem eodem
nomine & herba, & in Ægypto caulis in-
pa-*

EXERCITATIONES CAP. XII. 101

palustrium genere. Recedentibus enim aquis Nili riguis provenit similis faba, caule, foliisque densa congerie stipatis, brevioribus tantum gracilioribusque: cui fructus in capite papaveri similis incisuris; omnique aliomodo, intus grana, ceu milium. Incole capita in acervis putrefaciunt: mox separant lavando, & siccata, tundunt, eoque pane utuntur. Mirum est quod præter hæc traditur: Sole occidente, papavera ea comprimi, & integri foliis; ad ortum autem aperiri, donec maturefcant, flosque, qui est candidus, decidat.

Lotus apud Ægyptios insuper tanto in pretio erat, ut familiare illis insignis capitis extiterit, quemadmodum apud Græcos, ac Romanos Laurum, & Quercum accepimus. Hoc ex Heliodoro colligimus, qui tradit præconum capita *Nilotica Loto redimita*. Ad hunc locum pertinet Patini Nummus, in quo juxta Ægyptiorum symbola Canopi caput super Hydriam impositum cernitur simili ornamento distinctum.

Lib. 10.

Numism.
Imperat.
p. 156. 1349

Nonnunquam vero floris loco, fructum ipsum Loti adhibitum videas inter duo folia collocatum. Loti enim fructus tanta a Theophrasto traditur magnitudo, quanta maximi papaveris esse consuevit.

Lib. 4. cap.
10.

Eodem capitis ornamento videmus Ofri-
dem decoratum in quodam Ægyptiaco
Trajani Numismate , quod Seguinus vul-
gavit . Regibus quoque , ac Reginis ab
Ægyptiis ejusmodi honorem habitum
passim Nummi testantur . Juncta enim
cernimus Prolemæorum una cum conju-
gibus capita , quæ florem illum in verti-
ce gerunt , aut Diadema , quod in simi-
lem florem desinit . Sed de Loto quid
plura ? In Gemmis etiam Basilidianis illa
occurrit frequenter : nec tantum Isidi , ac
Soli , & Harpocrati , verum etiam Diis
Laribus consecratam existimat Baude-
lotius .

Ibid.

In Cornucopia inter alia Persicæ Ar-
boris folium bellissime attollitur . Persi-
cam enim Isidi , atque Harpocrati dica-
tam scriptores retulerunt . Cuperus ta-
men Harpocrati uni Persicam tribuit ,
quippe qui linguæ præesset , & illi *lingua*
fortuna, lingua genius acclamaretur . Ajunt
præterea huic Numini hanc Arborem de-
votam quia fructus cordis, linguę speciem
folia repræsentant* . Pignori-
us profert signum Ofridis , cujus caput regit Persi-
cæ arboris pomum . Verum de Loto ,
Persica , Strobilo , seu Nuce Pinea Ægy-
ptiacis Numinibus sacra , atque aliis de

cæ-

V. pag. III

Symbol.

Epist. epi-
stol. 23.

cæremoniis ad Isidem & Serapidem, Harpocratemque pertinentibus consule Salmasium, Saldenum, Pignorium, Spanhemium, & potissimum Cuperum, qui de Harpocrate tam diligenter disputavit, nullas ferme ut nobis spicas colligendas reliquerit.

Plinian.
Exerc. De
Diis Syris.

Hæc habui, Pater Reverendissime, quæ per maximos, qui tenuerunt Romæ calores de tuo Iliaco Marmore, deque illis, quæ in eo continentur, pro virili disputarem. Atque omnia, quæ ad meum hoc institutum firmandum produxi, Tibi ac Casanatensi celeberrimæ Bibliothecæ accepta refero libenter, cui quidem per exiguum admodum temporis spatium magnopere me obstrictum cum profitear, utinam occasio mihi in posterum oboriatur alia, propter quam illi videar obstrictus impensius, oblata mihi opportunitate scribendi aliquid, unde major gloriæ seges, si tamen id per hanc meam tenuitatem licebit unquam, in eam proficiscatur. Velim hæc interim Tibi, ac ceteris, qui suam erga me, ac mea qualiacumque studia, cum primum huc perveni, sunt mihi polliciti egregiam voluntatem atque constantem, trimestris hujus otii mei rationem reddant, quod

tamen non ita in hoc uno collocavi, ut partem etiam alis non addicendam statuerim. Imo ut verum fatear, raptim hæc fere ac tumultuarie collegi, sperans, fore ut his Exercitationibus possim aliquando iterum admoveere calamus; dum in medio opere animadverti alia via de Isiacis cæremoniis fuisse mihi disputandum, atque explicandum Lapidem, Græcam videlicet cum Romana eruditione perpetuo consensu jungendo. Quod quidem sensi plane ita posse fieri, ut liceat, suis Pignorio, & suis Cupero relictis, atque omnibus, qui hunc campum diligentissime percurrerunt, adducere multa, per quæ lux clarior ad Deos illos Ægyptios accedere videatur. Atque hæc non perinde a me dicta velim, ac si per hanc excusationem belle petitam, nugas has meas tueri in animo habeam, atque ab illorum reprehensione defendere, qui in utraque laude, in Græcis videlicet ac Romanis literis, doctissimorum virorum sententia principatum sunt adepti. Liber enim seu raptim, seu mature conscriptus, cum semel in lucem est editus, debet judicia hominum justa atque injusta patienter sustinere, tamquam non amplius juris sui, sed omnium,

nium, ac Reipublicæ factus ; quemadmodum huic meo libello continget, quæ imo cum Scriptore suo subire velim alacriter iudicium eruditissimorum, quorum CLEMENTINA hac ætate tanta est Romæ frequentia, ut florentissimis Augusti temporibus invidere literæ nihil possint, cum in præstantissimam hanc Urbem quasi in suum Regnum Romana vere CLEMENTIS XI. munificentia vocatæ, altæ, summisque donatæ honoribus immigrasse videantur. Propterea qui homines dediti studiis ex oppidis præsertim exiguis profecti huc accedunt, si quam scientiæ opinionem secum attulerint, statim deponant oportet omnem, cum quæ alibi aut propter librorum inopiam, aut eruditorum solitudinem, summa, rara, ac numeris omnibus absoluta admiramur, hic ea mediocria, pervagata, ac tironum in disciplinis ore passim circumlata existimentur. Hac certe de causâ mihi semper esse duxi pertimescendam hanc tam cito in Urbe tanta ad famam emergendi celeritatem, cum a quovis genere eruditionis huc ferme nudus advenerim, & in opportunissima studiis occasione modico hoc tempore exiguum admodum fructum sim consecutus. Quare notum ac testatum

tum velim omnibus, me hoc Opusculo in lucem producto, Apellis exemplo post siparium arrectis adstantem auribus vitia, quæ notabuntur, auditurum, & quæ juste reprehendi cognovero, secundis curis emendaturum, ne nimis hujus obscuri foetus amore peccasse videar. Non enim, ut ille ait, indignabor objectum quod nesciam, sed gaudebo oblatum, quod discam. Equidem iisdem excitor discendi igniculis, quibus tot Viri clarissimi; qui studiorum causa huc venientes non solum effusum MAXIMI PRINCIPIS in bonas artes amorem, sed luculentum doctrinæ, atque eloquentiæ, virtutumque omnium propositum ob oculos exemplum cum habeant, coguntur vel inviti æmulari tantum Suasorem, exaudiendum certe, cum faciat ipse quæ suadeat, cernamusque cuncti facientem. Nam quid ab eruditorum ordine desideretur, quod eorum studiis promovendis inservire possit, plane non video. SANCTISSIMI PONTIFICIS immortalis beneficio ac laudi debemus Typographiam Vaticanam instauratam, quam in Archigymnasio Sapientiæ tam magnifice habitantem intuemur, ut Magnus Rex, ac Princeps invisendam statuerint esse sibi, adeundam-

damque statuant externæ gentes semel atque iterum ; prælis elegantissimis , ac formis pulcherrimis instructas sedes , ornatasque admiratæ . Sed ne libri etiam doctrinæ ac sanctitatis omnigena copia exuberantes desiderarentur , proprio CLEMENTIS XI. consilio propriaque liberalitate factum est , ut ex remotissimis Regionibus , atque ex Ægypto præsertim per Viros peregrinarum linguarum scientia insignes innumeri ferme Codices huc asportarentur , quibus Bibliotheca illa Orientalis CLEMENTINO-VATICANA , quæ paucis ab hinc diebus in conspectum prodire cœpit , incredibili omnium fructu conficeretur . Præterea ne locus desit , in quem cohors studiosa commodè convocaretur , Bibliothecam alteram , Casanatensem videlicet amplificandam decrevit , quo certe hoc potissimum tempore tot Romani , exterique accurrunt , ut Maximi Instauratoris imperio ac providentia rectissime utantur , dum subsellia abacique studiosis sæpissime deficiunt . Itaque cum multis in rebus Deo Optimo Maximo gratias agere debemus , quod Romæ , ac totis Christianis terris prudentissimum , atque amplissimum Pontificem hac tempestate præ-

præesse voluerit, qui pro ejus singulari sapientia, atque incredibili virtute Rempubicam Christianam bene gerendo, Divorum immortalium templa colendo, Sanctissimas Religiones observando, felicitatem quamdam universis, Sibi æternum nomen compararet; tum etiam quod barbarorum studiorum calamitatem, quantam superioribus annis pertulimus, per Eundem a nobis tandem everterit, veramque invexerit discendi laudem, ac rerum omnium, quæ ad literarum incrementa pertinerent, abundantiam intulerit. Non solum igitur ab omnibus, quibus curæ est, nequid Christiana Respublica detrimenti capiat, sed a Societate potissimum Eruditorum sunt Deo nunc & in posterum preces fundendæ enixe pro Optimi Principis incolumitate, ut nobis diutius servet ac fospitet studiorum ac vitæ nostræ eximium Rectorem, ac Magistrum, omnino CLEMENTEM XI. cujus vivere omnibus, sed literatis præcipue benefacere est.

A D D E N D A

Ut in omnibus fere libris, ita hisce in³
 Exercitationibus pauca quædam Sphal-
 mata reperientur, quæ vel sustineat
 patientissimus Lector, vel per se ipse
 libenter corrigat. Tantum moneo in
 Capite X. lin. 18. post verba *de Anser* pag. 81.
quoque quæ, supplendum esse *Avis*.
 Anser enim masculini generis est, ut
 equidem feci pag. 86. lin. 25. Et in Ca-
 pite XI. pag. 93. lin. ult. legitur *enim*
pro erant. Alia qui hæc legere potue-
 rint, eorum benignitati permittuntur.

In Capite IV. pag. 25. Inscriptio tertia,
 quam ex Baudelotio dedi, observanda
 est, ubi legitur OPTIO. TABELLIO-
 RUM. Nusquam *Tabellius*, neque in
 Grutero invenire potui. Propterea
 Typographi Parisiensis potius errorem
 putarem, cum deberet TABELLIO-
 NUM fortasse ponere.

In Capite VII. pag. 55. Ea Propertii car-
 mina scripsimus ex Beroaldi sententia,
 qui ita illa interpunxit. Verum in Pa-
 risiensi Editione 1683. ii priores tres
 versus hoc pacto sunt scripti:

Hic ubi tam raræ non perit hora moræ.

Quæ

*Qua sacer abripitur ceco descensus
hiatu,*

*Qua penetrat Virgo, tale iter om-
ne cave.*

Ubi Philippus Silvius, quem consules, improbat Beroaldi lectionem, qui putavit illac ad Orcum fuisse descensum. Ille vero antiqua verba secutus, quæ non *Tartareæ*, sed *tam raræ* habebant, temporis ait *moram* dici *raram*, quod nimirum raro spectaculum illius superstitionis videre liceret.

In Capite VIII. pag.64. Adde. Isis etiam sub forma Leonis, & facie muliebri occurrit nonnunquam in Nummis Ægyptiorum, sicut in quodam Antonini Pii Numismate, quod servat Gaza Medicea, ut habet Magnus Spanhemius in Quarta Dissertatione *de Præstantia, & usu Numismatum*.

In Capite X. pag.79. ubi de Hercule salutis Præsidi locutus sum, collocabuntur duo hæc carmina, ex lib.5. Fab.4. elegantissimi Phædri desumpta, quibus præclare sententia illa nostra statuitur.

*Quidam immolasset Verrem cum Sancto
Herculi,*

Cui pro salute Votum debebat sua.

EXERCITATIONES CAP. XII. 111
In Capite XII. pag. 102. lin. 25. ubi sermo
est de Persica Arbore, hæc etiam pone
ex Plinii Historia lib. 13. cap. 9. *Simula-
cra ex ea, nempe Persica, scilicet*
Ægyptii.

FINIS,


AD

AD JOANNEM OLIVAM

Hendecasyllabi

PANTALEONIS BORZII.

Nihil non series terit dierum ,
Nihil non fuga temporum vorabit ;
Ipsa Numina nesciunt tueri
Quas eis homines domos dicarunt .
Patrem Juppiter , Hercules novercam ,
Typhonem Pharii timet Canopi
Custos Isis , & Isidis maritus ;
Quorum templa loco quod in priore
Post tot secula lapsa collocasti ,
Viso Marmore , quod tuo libello
In magnum decus evocasti amice ,
Quamvis Harpocrates premat labellum ,
Te Gens inclyta Romuli loquetur .



1875

JOHN

Handwritten

PANTALONE

N

Handwritten

Handwritten

Handwritten

Handwritten

Handwritten

Handwritten

Handwritten


Handwritten

Handwritten

Handwritten

Handwritten

Handwritten



SPECIAL 89-B
15515

GETTY CENTER LIBRARY

